

漢書門類

漢書門類
一五〇三
冊架函號類
冊架函號類

內閣文庫	
番號	漢 1503
冊數	40 (4)
函號	別 32 1

0 1 2 3 4 5 6 7 8 9 10

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale

G Y M

© Kodak, 2007 TM Kodak







通典卷第十六

選舉四

唐 京 兆 杜 佑 君 卿 纂

選舉四

雜議論上



齊景公問晏子任人對曰地不同宜任之以種責其俱
 生不可得也人不同能而任之以事不可責徧成責焉
 無已智者不能給求焉無厭天地不能贍也○漢哀帝
 初立欲匡成帝之政多所變動匡正也其乖失正時丞相王嘉
 上疏曰臣聞聖王之功在於得人孔子曰才難不其然
 與才難謂有故繼代立諸侯象賢也象其先父祖之賢
 賢才難得耳非必其人皆有

選舉四

崇仁齋氏出刊

人

弘日

材

德也雖不能盡賢天子為擇臣立命卿以輔之命卿命於天子者

居是國也累代尊重然後士民之眾附焉是以教化行而理功立今之郡守重於古諸侯往者致選材賢材賢

難得拔擢可用者或起於囚徒昔魏尚坐事繫文帝感

馮唐之言拜雲中太守匈奴忌之武帝擢韓安國於徒

中拜為梁內史骨肉以安言梁孝王得免罪也張敞為京兆尹免

亡命數十人宣帝徵拜為冀州刺史卒獲其用前代非

私此三人貪其才器有益於公家也孝文帝時吏居官

者或長子孫以官為氏倉氏庾氏則倉庾吏之後也其

二千石長吏亦安官樂職然後上下無苟且之意其後

稍稍變易公卿以下轉相促急又數以改更政事司隸

部刺史察過悉劾發揚陰私悉盡也言無大小盡皆舉劾過於所察之條吏

或居數月而退送故迎新交錯道路中材苟容求全不敢

操持下材懷危內顧常恐獲罪一切營私者多二千石

益輕賤吏人慢易之或至上書章下依其所上之章眾

庶知其易危言易可傾危小失意則有離叛之心前山陽亡

徒蘓令等縱橫吏士臨難莫肯仗節死義以守相威權

素奪也素奪謂先不假之威權也孝成皇帝悔之下詔書二千石不

為縱二千石不以故縱為罪所以優之遣使者賜金慰厚其意誠謂國

家有急取辦於二千石二千石尊重難危乃能使下孝

以為

宣愛良人吏

良善也良人吏善理百姓者

有章劾事留中會赦一解

不卽下理其事恐為擾動故每留中或經赦令一切皆解散也故事尚書希下章為煩

擾百姓證驗繫理或死獄中章文必有敢告之字迺下

所以下寧告者惟陛下留神擇賢記善忘過容忍臣子之辭絕其相誣

勿責以備不求備於一人二千石部刺史三輔縣令有材任職

者人情不能不有過差宜可濶畧當寬恕其小罪令盡力者有

所勸此方今急務國家之利也前蘓令發謂蘓令初發起為盜賊

欲遣大夫使逐問狀時見大夫無可使者謂見在大夫皆不堪為使

召盪屋令尹逢拜為諫大夫遣之今諸大夫有才能者

甚少宜先蓄養可成就者則士赴難不愛其死臨事倉

卒乃求非所以明朝廷也嘉因薦儒者公孫光滿昌及

能吏蕭咸薛修等皆故二千石有名稱天子納而用之

○後漢光武時陳事者多言郡國貢舉率非功次故守

職益懈而吏事浸疎咎在州郡有詔下公卿朝臣議韋

彪上議夫國以簡賢為務賢以孝行為首孔子曰事親

孝故忠可移於君是以求忠臣必於孝子之門夫人才

行少能相兼是以孟公綽優於趙魏老不可以為滕薛

大夫忠孝之人持心近厚鍛煉之吏持心近薄三代之

所以直道而行也士宜以才行為先不可純以閎闊然

要其歸在於選二千石賢則舉貢皆得其人矣帝深納

其

經

仕

志

之

通鑑卷之六
 之張衡上疏曰古者以賢取士諸侯歲貢孝武之代郡
 舉孝廉又有賢良文學之選於是名臣皆出文武並興
 漢之得人數路而已夫書畫辭賦才之小者匡國理政
 未有能^焉陛下即位之初先訪經術聽政餘日觀省篇
 章聊以游意當代博奕非以教化取士之本而諸生競
 利作者鼎沸其高者頗引古訓風喻之言下則連偶俗
 語有類俳優或竊成文虛冒名氏臣每受詔於盛化門
 差次錄第其未及者亦復隨輩皆見拜擢既加之恩難
 復收改但守俸祿於義已加不可復使理人及任州郡
 昔孝宣會諸儒^於石渠章帝集學士於白虎通經釋義其

事優大文武之道所宜從之乃若小能小善雖有可觀
 孔子以為致遠則泥君子故當致其大者遠者也○魏
 文帝時詔曰選舉莫取有名名如畫地作餅不可啖也
 吏部尚書盧毓對曰名不足以致異人而可以得常士
 常士畏教慕善然後有名其後士人多務進趨廉遜道
 缺時劉寔乃著崇讓論以矯之其辭曰古者聖王之化
 天下所以貴讓者欲以出賢才息爭競也夫人情莫不
 皆欲己之賢故勸令讓賢以自明賢豈假讓不賢哉故
 讓道興賢能之人不求而自出矣至公之舉自立矣百
 官具任為百官之副亦先具矣一官缺擇眾官所讓最

請

興

縣佐

多者而用之審之道也在朝之士相讓於上草廬之人咸皆化之推能讓賢之風從此生矣為一國所讓則一國士也天下所共推則天下士也推讓之風行則賢與不肖殊矣此道之行在上者無所用其心因成清議隨之而已賢人相讓於朝大才之人恒在在官小人不爭於野天下無事矣以賢才化無事至道興矣已仰其成復何與焉孔子曰能以禮讓為國乎則不難也在朝之人不務相讓久矣天下化之自魏代以來登進辟命之士及夫在職之吏臨見授敘雖自辭不能終莫肯讓有勝己者夫推讓之風息爭競之心生孔子曰上興讓則

魏

下不爭也議者僉言代少高名之才朝廷不有大才之人可以為大官者山澤小人官吏亦復云朝廷之士雖大官名德皆不及往時人也余以為此二言皆失之矣非時獨乏賢也時不貴讓一人有先眾之稱毀必隨之名不得成使之然也雖令稷契復存亦不復能全其名矣能否混雜優劣不分士無素定之價官職有闕任選之吏不知所用但按官次而舉之同才之人先用者非勢家之子則必為有勢者之所念也非能獨賢因其先用之資而復遷之無已不勝其任之病發矣所以見用不息者由讓道廢因資用之人有得失矣故自漢氏以

來時開大舉令衆官各舉所知唯才所任不限階次如此者甚數矣其所舉必有當者不聞時有擢用不知何誰最賢故也所舉必有不當者而罪不加不知何誰最不肖也所以不可得知由當時之人莫肯相推賢愚之名不別令其如此舉者知在上者察不能審故敢慢舉而進之或舉所賢因及所念一頓而至人數猥多言所舉賢加之高狀相似如一難得而分矣雖舉者不能盡忠其罪亦無由上聞聽察之路濫令其爾也才高守道之士日馳走於有勢之門日多矣雖國有典刑弗能禁矣夫讓不興之弊非徒賢人在下位不得時進也國之

良臣荷重任者亦將以漸受罪退矣何以知其然也孔子以爲顏氏之子不貳過耳明非聖人皆有過寵貴之地欲之者多矣惡賢能塞其路過而毀之者亦多矣夫謗毀之生非徒空說必因人之微過而甚之者也毀謗之言數聞在上者雖欲弗納不能不仗所聞因事之來而微察之察之無已其驗至矣得其驗安得不理其罪若知而縱之主威日衰令之不行自此始矣知而皆理之受罪退者稍多大臣有不自固之心夫賢才不進貴臣日疎此有國者之深憂也竊以爲改此俗甚易耳何以知之夫一時在官之人雖雜有凡猥之才其中賢明

通典卷之六
者亦多矣豈可謂皆不知讓賢爲貴邪直以其時皆不讓習以成俗故遂不爲耳人臣初除皆通表上聞名之謝章所由來尙矣原謝章之本意欲進賢能以謝國恩也昔舜以禹爲司空禹拜稽首讓於稷契及咎繇使益爲虞官讓於熊羆使伯夷典三禮讓於夔龍唐虞之時衆官初除莫不皆讓也謝章之義蓋取於此書記之者欲以永代作則季代所用不能讓賢虛謝見用之恩而已相承不變習俗之失也夫敘用之官得通章表者其讓賢推能乃通其章其不能有所讓徒費簡紙者皆絕不通人臣初除各思推賢能而讓之矣讓文付主者掌

之三司有缺擇三司所讓最多者而用之此爲一公缺三公已先選之矣且主選之吏不必任公而選三公不如令三公自共選一公爲詳也四征缺擇四征所讓最多者而用之此爲一征缺四征已先選之矣必詳於停缺而令主者選四征也尚書缺擇尚書所讓最多者而用之此爲令諸尚書共選一尚書詳於臨缺令主者選人尚書也郡守缺擇衆郡守所讓最多者而用之詳於任主者此爲令百郡守共選一郡守也夫以衆官百郡之讓與主者共相比不可同歲而論也賢愚皆讓百姓耳目盡爲國耳目夫人情爭則欲毀已所不如讓則競

可得

循

議

又

秦采

漢

推於勝已故代爭則毀譽交錯優劣不分難得而讓也
 夫貴讓則賢智知明出能否之美歷歷相次不能亂也當
 此時也能退身修己者多矣雖賢智欲守貧賤不可得
 也馳騫進取而欲人見讓猶却行而求前也夫如此愚
 智咸知進身求通非修之於已則無由進矣遊外者於
 此相隨而歸矣浮聲虛論不禁而自止矣人無所用其
 心任眾人讓而天下自化讓可以致此豈可不務之哉
 ○晉始平王文學李重父以為等級繁多又外官輕而
 內官重使風俗大弊宜釐改重外選簡階級使官久議
 曰古之聖王建官垂制所以體國經野自帝王以下代

有增損舜命九官周分六職漢採古制仍秦舊倚丞相
 任九卿雖置五曹尚書令僕射之職始於掌封奏以宣
 外內事任尚輕而郡守牧人之官重故漢宣稱所與為
 理唯良二千石其有殊政者或賜爵進秩諒得為理大
 體所以遠比三代也及於東京尚書雖漸優重然令僕
 出為郡守便入為三公虞延第五倫桓虞鮑昱是也近
 自魏朝名守杜畿滿寵田國讓國諱改稱字胡質等居郡或
 十餘年或二十年或加秩假節而不去郡此亦古人苟
 善其事雖沒代不徙官之義也漢魏以來內官之貴於
 今最崇而百官等級遂多遷補轉徙如流能否無以著

選舉四

黜陟不得彰此為理之大弊也夫階級繁多而冀官久
 官不久而冀理功成不可得也虞書云三考黜陟幽明
 周官三年大計羣吏之理而行其誅賞漢法官人或不
 拘真秩魏初用輕資以先試守臣以為今宜大并羣官
 等級使同班者不得復稍遷又簡法外議罪之制明試
 守左遷之例則官人之理盡士必量能而受爵矣居職
 者日久則政績可考人心自定務求諸已也帝雖善之
 竟不能行○齊左僕射王儉請解領選謂褚彥回曰選
 曹之始近自漢末今若反古使州郡貢計三府辟主與
 眾共之猶賢一人之意古者選眾今則不然奇才絕智

自

但

論

風

奧

卿

所以見遺於草澤也彥回曰誠如卿言行之已久卒難
 為改也○梁尚書左僕射沈約論曰漢末喪亂魏武時
 始創軍中倉卒權立九品蓋以人才優劣非謂代族高
 卑因此相沿遂為成法自魏至晉莫之能改州郡正
 以才品人而舉代人才升降蓋寡徒以憑籍代資用相
 凌駕都正俗士斟酌時宜品目少多隨事俯仰劉毅所
 云下品無高門上品無賤族也歲月遷訛斯化漸篤凡
 厥衣冠莫非二品自此以還遂成卑庶周漢之道以智
 役愚臺隸參差用成等級魏晉以來以貴役賤士庶之
 科較然有辨夫人君南面九重懸絕陪奉朝夕義隔鄉

士階闈之任宜有司存武帝天監中約又上疏曰頃自漢代本無士庶之別自非仕宦不至京師罷公卿牧守並還鄉里小人瞻仰以成風俗且鬻校棊布傳經授受皆學優而仕始自鄉邑本於小吏幹佐方至文學功曹積以歲月乃得察舉人才秀異始為公府所辟遷為牧守入作台司漢之得人於斯為盛今之士人並聚京邑其有守土不遷非直愚賤且當今士人繁多畧以萬計常患官少才多無地以處秀才自別是一種任官非若漢代取人之例也假使秀才對五問可稱孝廉答一策能過此乃雕蟲小道非關理功得失以此求才徒虛語

耳鴻臚卿裴子野又論曰書云貴貴為其近於君也天下無生而貴者是故道義可尊無擇負販苟非其人何取代族周衰禮壞政出臣下卿士大夫自相繼及非夫嗣嫡猶等家臣且徒步匹夫見禮侯伯軾閭擁篲無絕於時其後四方豪勢之家門客千數卑身折節比食同袍雖相傾倚亦成風俗迄於二漢尊儒重道朝廷州里學行是先雖名公子孫還齊布衣之士士庶雖分而無華素之隔自晉以來其流稍改革澤高士猶廁清塗降及季年專稱閥閱自是三公之子傲九棘之家黃散之孫茂令長之室轉令互爭銖兩所論必門戶所議莫賢

能苟且之俗成傲慢之禍作非所以敦弘退讓厲德興
 化之道也○宋明帝聰博好文史才思朗捷少讀書奏
 號七行俱下每國有禎祥及行幸讌集輒陳詩展義且
 以命朝臣其戎士武夫則託請不暇困於課限或買以
 應詔焉於是天下向風人自藻飾雕蟲之藝盛於時矣
 又論曰古者四始六義總而為詩既行四方之風且彰
 君子之志勸善懲惡王化本焉而後之作者思存枝葉
 繁華蘊藻用以自通若夫悱惻芳芬楚騷為之祖靡漫
 容與相如扣其音由是隨聲逐響之儔棄指歸而無執
 賦歌詩頌百揆五車蔡邕等之俳優楊雄悔為童子聖

人不作雅鄭誰分其五言為詩家則蘇李白出曹劉偉
 其風力潘陸固其枝柯爰及江左稱彼顏謝箴繡聳悅
 無取廟堂宋初迄於元嘉多為經史大明之代實好斯
 文高才逸韻頗謝前哲波流同尚滋有篤焉自是閭閻
 少年貴游總角罔不擯落六藝吟咏情性學者以博依
 為急務謂章句為專魯淫文破典斐爾為曹無被於管
 絃非止乎禮義深心主卉木遠致極風雲其興浮其志
 弱巧而不要隱而不深討其宗途亦有宋之遺風也若
 季子聆音則非興國鯉也趨室必有不敦荀卿有言亂
 代之徵文章匿綵而斯豈近之乎

蕭子顯曰自宋以來
謝靈運顏延年以文

詩

章彰於代謝莊袁淑又以才藻保之朝廷之士及閭閻
 衣冠莫不仰其風流競為辭賦之事五經文句無復通
 其義者○後魏孝文時高祐上疏云今之選舉不採識理
 之優劣專簡年勞之多少斯非盡才之謂宜停此薄藝
 棄彼巧勞唯才是取官方斯穆又勲舊之族雖年勤可
 錄而才非撫人則可加之以爵賞不宜委之以方任所
 謂王者可私人以財不可私人以官帝善之韓麒麟子
 顯宗上言前代取士必先正名故有賢良方正之稱今
 州郡貢察徒有秀孝之名而無秀孝之實而朝廷但檢
 其有門地遂不復彈坐如此則可別貢門地以敘士人
 何假置秀孝之名也夫門地者是其祖父之遺烈亦何

邵

益於皇家苟有奇才雖屠釣奴虜之賤亦用之苟非其
 人雖三后之允自墜於皂隸矣或云無奇才不若取士
 於文然此亦失矣豈可以代無周召便廢宰相而不置
 哉但當校其寸長銖重者即先敘之則賢才無遺矣孝
 明帝時清河王懌以官人失序上表曰孝文帝制出身
 之人本以門品高下有恒若准資蔭自公卿令僕之子
 甲乙丙丁之族上則散騎祕著下逮御史長兼皆條例
 昭然文無虧沒自此或身非三事之子解褐公府正佐
 地非甲乙之類而得上宰行僚自茲以降亦多乖舛且
 參軍事專非出身之職今必釋褐而居祕著本為起家

之官今或遷轉以至斯皆仰失先准有違明命非所謂式遵遺範奉順成規此雖官人之失相循已久然推其彌漫抑亦有由何者信一人之明當九流之廣必令該鑑氏族辨照人倫才識有限固難審悉所以州置中正之官清定門胄品藻高卑四海畫一專尸衡石任實不輕故自置中正以來暨於太和之日莫不高擬其人妙盡茲選皆須名位重於鄉國才德允於具瞻然後可以品裁州郡綜覈人物今之所置多非其人乞明為勅制使官人選才備依先旨無令能否乖方違才易務并革選中正一依前軌庶清源有歸流序允穆靈太后詔依

表施行而終不能用薛淑為吏部郎中先是崔亮奏立停年之格不簡人才專問勞舊淑乃上書曰若使選曹唯取年勞不簡賢否便即義均行鴈次若貫魚勘簿呼名一吏足矣數人而用何謂銓衡今請郡縣之職吏部先盡擇才務取廉平淳直素行有聞并學通古今曉達理體者以應其選不拘入職遠近年勲多少其積勞之中有才可堪牧人者先在用之限其餘不堪者既壯藉其力豈容老而棄之將佐丞尉去人積遠小小當否未為多矣宜依次補序以酬其勞書奏不報徐因引見復陳言曰漢朝常令三公大臣舉賢良方正有道直言極諫

之士以為長吏監撫黎元自晉末以來此風遂替今四方初定務在養賢請依漢氏更立四科令三公宰貴各薦時賢以補郡縣明立條格防其阿黨之端詔下公卿議之亦寢矣○後周樂遜上疏論選舉曰選曹掌錄勳賢補擬官爵必宜與眾共知有明揚之授使人得盡心如覩白日其才有陞降其功有厚薄祿秩所加無容不審即如州郡選置猶集鄉閭况天下選曹不取人物若方州列郡自可內除此外付選曹銓敘者既非機事何足可密人生處代以榮祿為重修身履行以慕聲名然逢時既難失時為易其選置之日宜令眾心明白然後

呈奏使功勤見知品物稱悅○隋文帝開皇中治書侍御史李鍔以選才失中上書曰自魏之三祖更尚文詞忽君人之大道好雕蟲之小藝下之從上有同影響競騁浮華遂成風俗江左齊梁其弊彌甚貴賤賢愚唯務吟咏遂復遺理存異尋虛逐微競一韻之奇爭一字之巧連篇累牘不出月露之形積案盈箱唯是風雲之狀代俗以此相高朝廷據茲擢士祿利之路既開愛尚之情愈篤於是閭里童昏貴游總角未窺六甲先製五言至如羲皇舜禹之典伊傅周孔之業不復關心何嘗入耳以傲誕為清虛以緣情為勳績指儒素為古拙用辭

賦爲君子故文筆日煩其政日亂良由棄大聖之軌範
 構無用以爲用也捐本逐末流徧華壤遞相師祖澆漓
 愈扇及大隋受命聖道聿興屏黜輕浮遏止華僞自非
 懷經抱質志道依仁不得引領縉紳參厠纓冕是以開
 皇四年並詔天下公私文翰并宜實錄其年九月泗州
 刺史司馬幼之上表華豔付所司理罪由是公卿大臣
 咸知正路莫不鑽仰墳索棄絕華綺擇先王之令典行
 大道於茲代如聞在外州縣仍踵弊風選吏舉人未遵
 典則至於宗黨稱孝鄉曲歸仁學必典謨交不苟合則
 擯落私門不加收齒其學不稽古逐俗隨時作輕薄之
 篇章結朋黨而稱譽則選充吏職舉送天朝蓋由縣令
 刺史未行風教猶挾私情不存公道臣旣忝憲司職當
 糾察若聞風卽劾恐挂網者多請勒諸司普加搜訪有
 如此者具狀送臺

通典卷第十六

放効

明 理 明 二
明

通典卷第十六

通典卷第十七

選舉五

唐

京

地

杜

君

卿

纂

選舉五

雜論議中

大唐貞觀八年三月詔進士讀一部經史二十三年九月考功員外郎王師旦知貢舉時冀州進士張昌齡王公瑾並有俊才聲振京邑而師旦考其文策黜之舉朝不知所以及奏等第太宗怪無昌齡等名因召師旦問之對曰此輩誠有詞華然其體輕薄文章浮艷必不成令器臣若擢之恐後生相倣倣有變陛下風雅帝以為

選舉五

崇仁謝氏重刊

頤

莅

名言後並如其言其年馬周上書曰自古郡守縣令皆

妙選賢德欲有擢升必先試以臨人或從二千石入為

丞相今朝廷獨重內官縣令刺史頓輕其選刺史多是

武夫勲人或京官不能職方始外出而折衝果毅之內

身材強壯者先入為中郎將其次始補州任邊遠之處

用人吏輕其才堪宰泄以德行見擢者十不能一所以

百姓未安殆由於此高宗顯慶初黃門侍郎劉祥道以

選舉漸弊陳奏其一日吏部比來取人傷多且濫每年

入流數過千四百人是傷多永徽五年一千四百三十

元年一千四百五十八人顯慶不簡雜色人即注官是傷濫雜色解文三

人

散官

內外番官親事帳內品子任雜掌伎術直司書手兵部
品子兵部勲官記室及功曹參軍檢校官屯副驛長校
尉牧經學時務等比雜色三分不居其一經明行修之

士猶罕有正人多取胥徒之流豈可皆求德行即知天

下共釐百姓之務者善人少而惡人多為國以來四十

餘載尚未刑措豈不由此且官人非材者本因用人之

源濫濫源之所起復由入流人失於簡擇今行署等勞

滿唯曹司試判不簡善惡雷同注官但服膺先王之道

者奏第始付選趨走几案之間者不簡便加祿秩稽古

之業雖信難成斗筭之材傷於易進其雜色應入流人

請令曹司試判訖簡為四等奏聞量有材用兼有義行
者為第一等身品強

然

景

合沾

壯及第八上并兵部所送人不占第一等及准例第一
給送兵部者為第二等餘量簡為第三第四等 第一
等付吏部第二等付兵部第三等付主爵第四等付司
勲並准例處分其行署等私犯下第公坐下下雖經赦
降情狀可責者亦量配三司不經赦降者放還本貫冀
入流不濫官皆得人非材不取不至冗雜且令胥徒之
輩知有銓選若復素非廉謹必將漸自飭勵其二曰古
之選者為官擇人不聞擇人多而官員少今之選者亦
擇人但擇之無准約官員有數入流無限以有數供無
限人隨歲積豈得不贍謹准約所須人量支年別入流
數今內外文武官一品以下九品以上一萬三千四百

今
難擇雖

宦官

六十五員略舉大數當一萬四千人人之賦命自有修
促弱冠而從政懸車而致仕五十年食祿者罕見其人
壯室而仕耳順而退亦取其中數不過支三十年此則
一萬四千人三十年而略盡若年別入流者五百人經
三十年便得一萬五千人定須者一萬三千四百六十
五人足充所須之數况三十年之外在官者猶多此便
足有贍人不慮其少今每年入流者遂至一千四百餘
人應須五百數外常贍一倍以上又比來放還者見停
亦千餘人更復年別新加實非搜揚之法其三曰雜色
人請與明經進士通充入流之數以三分論每二分取

人

明經進士一分取雜色人其四曰儒為教化之本學者之宗儒教不興風俗將替今庠序徧於四海儒生溢於三學勸誘之方理實為備而獎進之道事或未周但永徽以來於今八載在官者以善政粗聞論事者以一言可採莫不光被諭旨超升不次而儒生未聞恩及臣故以為獎進之道未周其五曰國家富有四海於今已四十年百姓官寮未有秀才之舉未知今人之不如昔將薦賢之道未至豈使方稱多士遂闕斯人請六品以下爰及山谷特降綸言更審搜訪仍量為條例稍加優獎不然赫赫之辰斯舉遂絕一代盛事實為朝廷惜之其

六曰唐虞三載考績三考黜陟幽明兩漢用人亦久居其職所以因官命氏有倉庾之姓魏晉以來事無可紀今之在任四考即遷官人知將秩滿豈無去就百姓見官人遷代必懷苟且以去就之人臨苟且百姓責其移風易俗必無得理請四考依選法就任所加階至八考滿然後聽選嶺南及瘴癘之所四考不得替者不在此限例若計至五品及有中上以上私犯中下公坐上下以下考者四考滿還淳反朴雖未敢期送依舊置替得替人依式聽選故迎新實減其勞擾其七日尚書省二十四司及門下中書主事等比來選補皆取舊任流外有刀筆之人欲參用經學時務之流皆以儔類為恥前後相承遂成故

護

事但禁省崇峻王言秘密尚書政本人物攸歸而多用胥徒之人恐未盡銓衡之理請降進止稍清其選奉勅付所司集羣官詳議議者多難於改作事竟不行三年七月上謂宰臣曰四海之廣唯在得賢卿等用人多作形迹讓避親知不得盡意甚為不取昔祁奚舉子古人以為美談即使卿等兒姪有才亦須依例進奉乾封八年八月上列侍臣責以不進賢良宰相李安期進曰臣聞聖帝明王莫不勞於求賢逸於任使且十室之邑必有忠信况天下之廣豈無英彥但比來公卿有所薦引即遭囂謗以為朋黨沉屈者未伸而在位者已損所以

人思苟免競為緘默若陛下虛已招納務於搜訪不忌親讎唯能是用讒毀不入誰不竭誠此皆事由陛下非臣等所能致也上深然之上元元年劉曉上疏曰國家以禮部為考秀之門考文章於甲乙故天下響應驅馳於才藝不務於德行夫德行者可以化人成俗才藝者可以約法立名致有朝登科甲而夕陷刑辟制法守度使之然也陛下焉得不改而張之至如日誦萬言何關理體文成七步未足化人昔子張學于祿仲尼曰言寡尤行寡悔祿在其中矣又曰行有餘力則以學文今舍其本而循其末况古之作文必諧風雅今之末學不近

典謨勞心於草木之間極筆於煙雲之際以此成俗斯
 大謬也昔之採詩以觀風俗詠卷耳則忠臣喜誦蓼莪
 而孝子悲溫良敦厚詩教也豈主於淫文哉夫人之愛
 名如水之就下上有所好下必甚焉陛下若以德行為
 先才藝為未必敦德勵行以佇甲科豐舒俊才沒而不
 齒陳寔長者拔而用之則多士雷奔四方風動風動於
 下聖理於上豈有不變者歟武太后臨朝垂拱中納言
 魏元同以為吏部選舉未盡得人之術上疏曰昔之列
 國今之郡縣士無常君人有定主自求臣佐各選英賢
 大臣乃命於王_于朝耳秦并天下罷侯置守漢氏因之有

沿有革諸侯得自置吏四百石以下其傅相大官則漢
 為置之州郡掾史督郵從事悉任之於牧守爰自魏晉
 始歸吏部遞相因循以迄於今以刀筆求才以簿書察
 行法之弊久矣蓋君子重因循而憚改作有不得已者
 亦當運獨見之明定卓然之議如今選司所行者非上
 皇之令典乃近代之權道所宜遷革實為至要何以言
 之夫尺丈之量所及不永鍾庾之器所積不多非其所
 及曷能度之非其所受何以容之况天下之夫士人之
 眾而可委之數人之手乎假使平如權衡明如水鑑力
 有所極照有所窮銓綜既多紊失斯廣况比居此任時

有非人而徇於勢利者哉使贓貨交易同乎市井加以厚貌深衷險如邱陵使百行九流折之於一面具僚庶品專斷於一司不亦難乎且前古以來亂多治少武德貞觀與今亦異皇運之初庶事草創豈唯日不暇給亦乃人物稀少天祚大聖享國永年比屋可封異人間出咸以為有道恥賤得時無怠諸色入流年以千計羣司列位無復新加官有常員人無定限選集之始霧積雲屯擢敘於終十不收一淄澠混淆玉石不分用舍去留得失相半既即事為弊致後來滋甚夫夏殷以前制度多闕周監二代煥乎可睹豈當諸侯之臣不皆命於天

子王朝庶官亦不可專於一職故穆王以伯冏為太僕正命之曰慎簡乃僚無以巧言令色便僻側媚其唯吉士此則令其自擇下吏之文也太僕正中大夫耳尚以僚屬委之則三公九卿亦然矣周禮太宰內史並掌爵祿廢置司徒司馬別掌典賢詔事當是分任於羣司而統之以數職各自求其小者而王命其大者也昔區區宋朝尚為裴子野所歎而況於當今乎又從政泄官不可以無學學古入官議事以制傳曰我聞學以從政不聞以政入學今貴戚子弟例早求官或齟齬之年已腰銀艾或童卯之歲已襲朱紫弘文崇賢之生千牛輦脚

藝

蔭

昇

次

趣

特

之徒課試既淺技能亦薄而門閥有素資望自高夫象
 賢繼及古之道也所謂胄子必裁諸學修六禮以節其
 性明七教以興其德少則受業長而出仕並由德進必
 以才升然後可以利用賓王移家事國少仕則廢學輕
 試則無才於其一流良足惜也又勲官三衛流外之徒
 不待州縣之舉直取之於書判恐非先德行而後言才
 之義也臣竊見制書每令三品薦士下至九品亦令舉
 人此聖朝側席旁求之意也但以褒貶不甚明得失無
 大隔故人上不憂黜責下不盡搜揚苟以應命莫慎所
 舉且惟賢知賢聖人篤論伊尹白既舉不仁咸遠復患階

秩雖同人才異等身且濫進鑒豈知人今欲務得實才
 兼宜擇其舉主流清以源潔影端由表正不詳舉主之
 行能而責舉人之庸濫不可得也武太后不納天授三
 年右補闕薛謙光以其時雖有學校之設禁防之制而
 風俗流弊皆背本而趨末矯飾行能以請託奔馳為務
 上疏曰自七國以來雖雜以縱橫而漢興求士猶徵百
 行是以禮讓之士砥才毓德既閭里推高然後為府寺
 所辟而魏氏取人好其放達晉宋之後祇重門資獎為
 人求官之風乖授職惟賢之義梁陳之間時好詞賦故
 其俗以詩酒為重未嘗以修身為務降及隋室餘風尚

存開皇中李諤奏於文帝曰昔魏之三祖更好文詞忽
君人大道好雕蟲小藝連編累牘盈箱積案獨有月露
風雲之狀而已代俗以之相高朝廷以茲擢人故文筆
日煩其政日亂帝納其言乃下制禁文筆之爲浮詞者
其年泗州刺史司馬幼之以表詞不質書罪於是風俗
改勵政化大行及煬帝又變前法置進士等科故後生
復相倣效皆以浮虛爲貴有唐纂^曆漸革前弊陛下君
臨樹本崇化而今之舉人有乖事實鄉議決小人之筆
行修無長者之論策第喧競於州府祈恩不勝於拜伏
或明制適下試令搜揚則驅馳府寺請謁權貴陳詩奏

記希咳唾之澤摩頂至足冀提携之恩故俗號舉人爲
覓舉夫覓者自求之稱非人知我之謂也察辭度材則
人品可見矣故選曹授職誼囂於禮闈州郡貢士諍訟
於陛闈謗議紛紜寢成風俗今夫舉人詢於鄉閭歸於
里正而已雖跡虧名教罪加刑典或冒籍竊資邀勲盜
級假其賄賂卽爲無犯鄉閭設如才應經邦唯令試策
武能制敵只驗彎弧文擅清奇則登甲科藻思小減則
爲不第以此收人恐乖事實何者樂廣假筆於安仁靈
運詞高於穆之平津文劣於長卿子建藻麗於荀彧若
以射策爲官則潘謝曹馬必居孫樂之右協贊機猷則

浸

安仁靈運亦無裨附之益由此言之固不可一槩而取也其武藝亦然故謀將不長於弓馬良相寧資於射策伏願陛下降明制頒峻刑文則試以理官武則令其守禦使僥名濫吹之伍無所藏其庸謬臣謹按吳起臨戰左右進劔吳子曰夫臨難決疑乃將事也一劔之任非將事也又按諸葛亮臨戎不親戎服頓蜀兵於渭南司馬宣王持劔勁卒不敢當此豈弓矢之用乎又按楊得意誦長卿之文武帝曰恨不得與此人同時及相如至終於文園令不以公卿之位處之者蓋非其任故也又按漢法所舉之主終身保任揚雄之坐田儀責其冒薦

退

成子之居魏相酬於得賢賞罰之令行則請謁之心絕遜讓之義著則貪競之路塞矣仍請寬立年限容其採訪簡汰堪用者試守令以觀能否參檢行事以~~是~~是非稱職者受薦賢之賞濫舉者抵欺罔之罪自然舉得才行而君子之道長矣聖歷三年二月武太后令宰相各舉尚書郎一人狄仁傑獨薦男光嗣由是拜地官尚書郎莅事有聲太后謂仁傑曰祁奚內舉果得人也長安二年武太后下求賢令狄仁傑曰荊州長史張柬之其人雖老真宰相才也乃召爲洛州司馬他日又求賢仁傑曰臣前言張柬之太后曰已遷之矣對曰臣薦之請

曆

赴謀

曰

宰

稍

爲相也今爲洛州司馬非用之又遷秋官侍郎四年夏

官尙書靈武大總管姚元之將之鎮太后令舉堪爲宰

相者元之對曰秋官侍郎張柬之沈厚有餘能斷大事

且其人年老惟陛下急用之遂爲相開元三年左拾遺

張九齡上書夫元元之衆莫不懸命於縣令宅生於刺

史此其尤親於人者也是以親人之任宜得賢才用人

之道宜重其選而今刺史縣令除京輔近處之州刺史

猶擇其人縣令或備員而已其餘江淮隴蜀三河諸處

除大府之外稍非_其才但於京官之中_出爲_州閒散者或是

緣身有累在職無聲用於牧守之間以爲斥逐之地因

勢附會遂忝高班比其勢衰亦爲刺史至於武夫流外

積資而得官成於經久不計其才諸若此流盡爲刺史

其餘縣令以下固不勝言蓋_此庶所繫國家之本務本

之職反爲好進者所輕承弊之邑每爲非才者所擾而

欲天下和洽固不可得也古者刺史入爲三公郎官出

宰百里莫不互有所重勸其所行臣竊怪近俗偏輕此

任今朝廷卿士入而不出於其私情甚自得計何則京

華之地衣冠所聚子弟之間身名所出從容附會不勞

而成一出外藩有異於是人情進取豈忘之於私但法

制之不敢違耳原其本意固私是欲今大利於京職而

有有
可
遭

恠

者

者

不在外郡如此則智能之士欲利之心日夜營營安肯
 復出為刺史縣令而國家之利方賴智能之人此輩既
 自固而不行在外者又技癢而求入如此則智能之輩
 常無親人之日今又未革之以法無乃甚不可乎故臣
 以為欲理之本莫若重刺史縣令此官誠重智能者可
 行正宜懸以科條定其資歷凡不歷都督刺史雖有高
 第不得入為侍郎列卿不歷縣令雖有善政亦不得入
 為臺郎給舍雖遠處都督刺史至於縣令遞次差降以
 為出入亦不十年頻任京職又不得十年盡任外官如
 此設科以救其失則內外通理萬姓獲安如積習為常

為

棟
辯

槍
棟

隙

遂其私計天下不可為理也又古之選用賢良取其稱
 職或遙聞而辟召或一見而任之是以士修素行不圖
 僥倖今天下未必理於上古而事務日倍於前誠以不
 正其本而設巧於末也所謂末者吏部條章動盈千萬
 刀筆之吏辨析毫釐節制搶攘溺於文墨胥徒之猾又
 緣隙而起臣以為始造簿書以備人_用之遺忘耳今反求
 精於案牘不急於人才亦何異遺劍中流而刻舟以記
 去之彌遠可為傷心凡稱吏部之能者則曰從縣尉與
 主簿從主簿與縣丞斯選曹執文而善知官次者也唯
 據其合與不合而多不論賢與不肖大畧如此豈不謬

難

甚

法賢

擇

之渝

哉陛下若不以吏部尚書侍郎為賢必不授之以職事
 尚書侍郎既以賢而受委豈復不能知人之賢人之難
 知雖自古所慎而拔十得五其道可行今則執以格條
 貴於謹守幸其心能自覺者每選所拔亦有三五人若
 又專固者則亦一人不拔據資配職自以為能為官擇
 人初無此意故使時人有平配之議官曹無得才之實
 故臣以為選部之弊在於不變法變法甚易在陛下渙然
 行之假如今之銓衡欲自為意亦限行之以久動必見
 疑遂用因循益為浮薄今若刺史縣令精覈其人即每
 年當管之內應有合選之色且先委曲考其才行堪入

品流然後送臺臺又推據所用之多少為州縣之殿最
 一則州縣慎於所舉必取入官之才二則吏部因其有
 成無多庸人干冒縱有不任選者謬起怨端且猶分謗
 於外臺不至誼譁於南省今則每歲選者動以萬計京
 師米物為之空虛豈多士若斯蓋冒濫至此而欲仍舊
 致理難於改制祇益法令煩碎賢愚混雜就中以一詩
 一判定其是非適使賢人君子從此遺逸斯亦明代之
 闕政有識之所歎息也又天下雖廣朝廷雖眾而士之
 名賢誠可知也若使毀稱相亂聽受不明事將已矣無
 復可說如知其賢能各有品第每一官缺而不以次用

之則是知而不為焉用彼相借如諸司清要之職當用
 第一之人及其要官闕時或以下等叨進以故時議無
 高無下唯論得與不得自然清議不立名節不修善也
 則守志而俟時中人則躁求而易操其故何哉朝廷若
 以令名進人士子亦以修身獲利而利之所出眾則趨
 焉已而名利不出於清修所趨多歸於人事其小者苟
 求取得一變而至阿私其大者許以分義再變而成朋
 黨斯並教化漸漬使之必然故於用人之際不可不第
 其高下若高下有次不可謬干夫士必刻意修飾思齊
 日眾刑政自清此皆興衰之大端安可不察也十七年

三月國子監祭酒楊湯上言伏聞承前之例每年應舉
 常有千數及第兩監不過一二千人臣恐三千之徒虛
 費官廩兩監博士濫糜天祿竊見入仕諸色出身每歲
 向二千餘人方於明經進士多十餘倍自然服勤道業
 之士不及胥吏以其効官豈識先王之禮義陛下設學
 校務以勸進之有司為限約務以黜退之臣之微誠實
 所未曉今監司課試十已退其八九考功及第十又不
 收一二長以此為限恐儒風漸墜小道駸興若以出身
 人多應須諸色都減豈在獨抑明經進士也上然之
 左監司衛錄事參軍劉秩論曰王者官人必視國之要

杜諸戶一其門安平則尊經術之士有難則貴介胄之臣夏殷周選士必於庠序非其道者莫得仕進是以誘人也無二其應之者亦一及周之末諸侯異政取人多方故商鞅患之說秦孝公曰利出一孔者王利出二孔者強利出三孔者弱於是下令非戰非農不得爵位秦卒以是能并吞六國漢室干戈以定禍亂貴尚淳質高后舉孝悌力田文景守而不變故下有常業而朝稱多士及孝武察孝廉置五經博士弟子雖門開二三而未失道德也逮至晚歲務立功名銳意四夷故權譎之謀設荆楚之士進軍旅相繼官用不足是以聚斂計料之

政生設險與利之臣起番係嚴熊羆等經營作渠以通漕運東郭偃孔僅建鹽鐵諸利策富者冒爵射官免刑除罪公用彌多而為官者徇私上下並求百姓不堪刻弊故巧法慘急之臣進而見知廢格之法作杜周滅宣之屬以峻文決理貴而王溫舒之徒以鷹擊敢殺彰而法先王之術習俎豆之容者無所任用由是精通秀穎之士不遊於學遊於學者率章句之儒也是以昭帝之時霍光問人疾苦不本之於太常諸生徵天下賢良文學以訪之是常道不足以取人也至於東漢光武好學不能施之於政乃躬自講經肅宗以後時或祖述尊重

捨

儒術不達其意而酌其文三公尚書雖用經術之士而
不行經術之道是以元成以降迄於東漢慷慨通方之
士寡廉隅立節之徒衆無何漢氏失馭曹魏僭竊中正
取士權歸著姓雖可以鎮伏眈庶非尚賢之術蓋尊尊
之道於時聖人不出賢哲無位詩道大作怨曠之端也
洎乎晉宋齊梁遞相祖習其風彌盛舍學問尚文章小
仁義大放誕談莊周老聃之說誦楚詞文選之言六經
九流時曾閱目百家三史罕聞於耳撮羣抄以爲學總
衆詩以爲資謂善賦者廊廟之人雕蟲者台鼎之器下
以此自負上以此選材上下相蒙持此爲業雖名重於

竭

竭

當時而不達於從政故曰取人之道可以敦化周書曰
以言取人人謁其言以行取人人謁其行取人之道不
可不慎也原夫詩賦之意所以達下情所以諷君上上
下情通而天下亂者未之有也近之作者先文後理詞
冶不雅既不關於諷刺又不足以見情蓋失其本又何
爲乎隋氏罷中正舉選不本鄉曲故里閭無豪族井邑
無衣冠人不土著萃處京畿士不飾行人弱而愚夫古
者以勲賞功以才涖職以才涖職是以職與人宜近則
以職賞功是以官與人垂古者計人而貢士計吏而用
人故士無不官官無乏吏近則官倍於古士十於官求

莅

官者又十於士故士無官

後魏羽林士今萬騎軍功是也

官之祿吏擾

人古者王畿千里千里之外封建諸侯諸侯之吏自卿以降各自舉任當乎漢室除保傅將相餘盡專之州縣佐史則皆牧守選辟夫公卿者主相之所任也旬外之官吏者又諸侯牧守之事也然則主司之所選者獨旬內之吏公卿府之屬耳豈不寡哉所選既寡則焉得不精近則有封建而無國邑五服之內政決王朝一命免拜必歸吏部按名授職猶不能遣何暇採訪賢良搜覈行能耶時皆共嗤其失而不知失之所以故備詳之又曰夫官有大小材有短長長者任之以大官短者任之

以小職職與人相宜而功與事並理是以孟公綽為趙魏老則優不可以為滕薛大夫近之任官其選之也略其使之也備一人之身職無不莅若委游夏以政事責冉季以文學也何其謬歟故人失其長官失其理是以三代之制家有代業國有代官孔子曰醫不三世不服其藥史墨曰古之為官代守其業朝夕思之一朝失業死則及焉是知業不代習則其事不精此周之所以得人也昔羲氏和氏掌天地劉氏代擾龍籍氏代司史庾氏庫氏代司出納制氏代司鑄鐘卽其事也後代以代卿執柄益私門甲公室齊奪於田氏魯弱於三家革代

卿之失而不復代業之制醫工筮數其道浸微蓋為此也故老子曰聖人常善救人故無棄人常善救物故無棄物不善用人者譬若使驥捕鼠令鷹守肉驥之捕鼠終不可獲而千里之功廢矣鷹之守肉死有餘罪而攫撮之効沒矣夫裁徑尺之帛刻方寸之木不任左右必求良工者裁帛刻木非左右之所能故也徑尺之帛方寸之木薄物也非良工不能裁之况帝王之佐經國之任可不審擇其人乎故構大厦者先擇木然後揀材理國家者先擇佐然後守人大匠構屋必以大材為棟梁小材為榱桷苟有所中尺寸之木無棄此善理木者也

洋州刺史趙匡舉選議曰昔三代建侯與今事異理道損益請自漢言之漢朝用人自詔舉之外其府寺郡國屬吏皆令自署故天下之士修身於家而辟書交至以此士務名節風俗用修魏氏立九品之制中正司之於是族大者第高而寒門之秀屈矣國朝舉選用隋氏之制歲月既久其法益訛夫才智因習就固然之理進士者時共貴之主司褒貶實在詩賦務求巧麗以此為賢不唯無益於用實亦妨其正習不唯撓其淳和實又長其佻薄自非識度超然時或孤秀其餘溺於所習悉昧本源欲以啓導性靈獎成後進斯亦難矣故士林鮮體

以
其
辯

國之論其弊一也又人之心智蓋有涯分而九流七畧
書籍無窮主司徵問不立程限故修習之時但務鈔畧
比及就試偶中是期業無所成固由於此故當代寡人
師之學其弊二也疏以釋經蓋筌蹄耳明經讀書勤苦
已甚既口問義又誦疏文徒竭其精華習不急之業而
當代禮法無不面牆及臨人決事取辦胥吏之口而已
所謂所習非所用所用非所習者也故當官少稱職之
吏其弊三也舉人大率二十人中方收一人故沒齒而
不登科者甚衆其事難其路隘也如此而雜色之流廣
通其路也此一彼十此百彼千揆其秩序無所差降故

受官多底下之人修業抱後時之歎待不才者何厚處
有能者何薄崇末抑本啓昏窒明故士子舍學業而趨
末伎其弊四也收人既少則爭第急切交馳公卿以求
汲引毀訾同類用以爭先故業因儒雅行成險薄非受
性如此勢使然也浸以成俗虧損國風其弊五也大抵
舉選人以秋初就路春末方歸休息未定聚糧未辦卽
又及秋事業不得修習益令藝能淺薄其弊六也羈旅
往來糜費實甚非唯妨闕正業蓋亦隳其舊產未及數
舉索然已空其弊七也貧窶之士在遠方欲力赴京師
而所冀無際以此揆度遂至沒身使茲人有抱屈之恨

以

末

國家有遺才之闕其弊八也官司運江淮之儲計五費其四乃達京邑芻薪之貴又十倍四方而舉選之人每年攢會計其人畜蓋將數萬無成而歸十乃七八徒令關中煩耗其弊九也為官擇人唯才是待今選司並格之以年數合格者判雖下劣一切皆收如未合格而應科目者纔有小瑕莫不見棄故無能之士祿以例臻才俊之流坐成白首此非古人求賢審官之義亦已明矣其弊十也選人不約本州所試悉令聚於京師人既浩穢文簿繁雜因此滯濫其事百端故俗間相傳云入試非正身十有三四赴官非正身十有二三此又弊之尤者今若未能頓除舉選以從古制且稍變易以息弊源則官多佳吏風俗可變其條例如後

舉人條例四字別行
低三格
一立身以下提頭

舉人條例一立身入仕莫先於禮尚書明王道論語詮百行孝經德之本學者所宜先習其明經通此謂之兩經舉論語孝經為之翼助諸試帖一切請停唯令策試義及口問其策試自改問時務以來經業之人鮮能屬綴以此少能通者所司知其若此亦不於此取人故時人云明經問策禮試而已所謂變實為虛無益於政今請令其精習試策問經義及時務各五節並以通四以上為第但令直書事義解釋分明不用空寫疏文及

為

務華飾其十節總於一道之內問之餘科准此其口問諸書每卷問一節取其心中了悟解釋分明往來問答無所滯礙不用要令誦疏亦以十分通八以上爲第諸科亦准此外更通周易毛詩各四經舉加左氏春秋爲五經舉不習左氏者任以公羊穀梁代之其但習禮記及論語孝經各一經舉既立差等隨等授官則能否區分人知勸勉○一明法舉亦請不帖但策問義并口問准經業科○一學春秋者能斷大事其有兼習三傳參其異同商確比擬得其長者謂之春秋舉策問經義并口問並准前○一進士習業亦請令習禮記尚書論語

後

孝經并一史其雜文請試兩首共五百字以上六百字以下試箋表論議銘頌箴檄等有資於用者不試詩賦其理通其詞雅爲上理通詞平爲次餘爲否其所試策於所習經史內徵問經問聖人旨趣史問成敗得失并時務共十節貴觀理識不用徵求隱僻詰以名數爲無益之能言詞不至鄙陋卽爲第○一有通禮記尚書論語孝經之外更通道德諸經通元經孟子荀卿子呂氏春秋管子墨子韓子謂茂才舉達觀之士既知經學兼有諸子之學取其所長捨其偏滯則於理道無不該矣試策徵問諸書義理并時務共二十節仍與之言論觀

之 亥

其通塞○一其有學兼經史達於政體策畧深致其詞
 典雅者謂之秀才舉經通四經或三禮或三家春秋兼
 通三史以上即當其目其試策經問聖人旨趣史問成
 敗得失并時務共二十節仍與之談論以究其能○一
 學倍秀才而詞策同之談論貫通究識成敗謂之宏才
 舉以前三科其策當詞高理備不可同於進士其所徵
 問每十節通八以上為第○一其史書史記為一史漢
 書為一史後漢書并劉昭所注志為一史三國志為一
 史晉書為一史李延壽南史為一史北史為一史習南
 史者兼通宋齊志習北史者通後魏隋書志自宋以後

史書煩碎冗長請但問政理成敗所因及其人物損益
 關於當代者其餘一切不問國朝自高祖以下及睿宗
 實錄并貞觀政要共為一史○一天文律歷自有所司
 專習且非學者卒能尋究並請不問唯五經所論蓋舉
 其大體不可不知○一每年天下舉人來秋入貢者今
 年九月州府依前科目先起試其文章通者注等第訖
 試官本司官錄事參軍及長史連押其後其口問者題
 策後云口問通若干即相連印縫並依寫解為先後不
 得參差封題訖十月中旬送觀察使觀察使差人都送
 省司隨遠近比類須合程限省司重考定訖其入第者

二月內符下諸道諸州追之限九月內盡到到即重試
之其文策皆勘會書跡調理與州試同即收之偽者送
法司推問其國子監舉人亦准前例○一諸色身名都
不涉學昧於廉耻何以居官其簡試之時雖云試經及
判其事苟且與不試同請皆令習孝經論語其孝經口
問五道論語口問十道須問答精熟知其義理並須通
八以上如先習諸經書者任隨所習試之不須更試孝
經論語其判問以時事取其理通必在責其重保以絕
替代其合外州申解者依舉選例處分○一一經及第
人選日請授中縣尉之類判入第三等及蔭高授上縣

尉之類兩經出身授上縣尉之類判入第三等及蔭高
授緊縣尉之類用蔭止於此其以上當以才進四經出
身授緊縣尉之類判入第三等授望縣尉之類五經授
望縣尉之類判入第三等授畿縣尉之類明法出身與
兩經同資進士及三禮舉春秋舉與四經同資其茂才
秀才請授畿尉之類其宏才諸送詞策上中書門下請
授諫官史官等禮經舉人若更通諸家禮論及漢已來
禮儀沿革者請便授太常博士茂才等三科為學既優
並准五經舉人便授官其雜色出身人量書判授中縣
尉之類判入第三等及蔭高者加一等凡蔭除解褐官

選人條例四字別行
低三格
一真前以下提頭

外不在用限○一其今舉人所習既從簡易士子趨學
必當數倍往時每年諸色舉人主司簡擇常以五百人
為大限此外任收雜色

選人條例○一其前資官及新出身並請不限選數任
集庶有才無滯官得其人○一不習經史無以立身不
習法理無以効職舉人出身以後當宜習法其判問請
皆問以時事疑獄令約律文斷決其有既依律文又約
經義文理弘雅超然出羣為第一等其斷以法理參以
經史無所虧失粲然可觀為第二等判斷依法有文彩
為三等頗約法式直書可否言雖不文其理無失者為

頗

官

判政日

第四等此外不收但如曹判及書題如此則可不得拘
以聲勢文律翻失其真故合於理者數句亦收乖於理
者詞多亦捨其倩人暗判人間謂之判羅此最無恥請
勝以懲之○一其授試官及員外等若悉不許選恐抱
才者負屈若並令集則僥倖者頗多當酌事宜取其折
衷請令所在審加勘責但無渝濫並准出身人例試判
送省授官其九品八品官請同黃衣選人例授官七品
六品依前資解褐官例五品四品依前資第二正官例
其官好惡約之工拙也○一舊法四品五品官不復試
判者以其歷任既久經試固多且官班已崇人所知識

不復為偽濫耳自有兵難仕進多門僥倖超擢不同往日並請試判待三五年舉選路清然後仍依舊法其會登科及有清白狀并曾任臺省官并諸司長官判史者已經選擇並不試依常例處分○一每年天下來冬選人今秋九月依舉人召集審勘絕其姦濫試時長吏親自監臨皆分相遠絕其口授及替代其第四等以上封送省皆依舉人例處置吏部計天下闕員訖即重考天下所送判審定等第訖從上等據本色人數收人具名下本道觀察使追之限十月內到並重試之訖取州試判類其書蹤及文體有偽濫准法處分其合留者依科

目資緒隨穩便注擬○一其兩都選人不比外州請令省司自試隔年先試一同外州東都選人判亦將就上都考定等第兼類會人數明年依例追集重試之還以去秋所試驗其書蹤及詞理則隔年計會替代事亦難為○一兵興以來士人多去鄉土既因避難所在寄居必欲網羅才能隔年先試令歸本貫為弊更深其諸色舉選人並請准所在寄莊住處投狀請試舉人既不慮偽濫其選人但勘會符告并責重保知非偽濫即准例處分○一宏詞拔萃以甄逸才進士明經以長學業並請依常年例其平選判入第二等亦任超資授官○一

諸以廕緒優勞准勅授官者如判劣惡者請授員外官
待稍習法理試判合留卽依資授正員官○一諸合授
正員官人年未滿三十者請授無職事京官及外州府
參軍不得授職事官

後論○有司或詰於議者曰吏曹所銓者四謂身言書
判今外州送判則身言闕矣如何對曰夫身言者豈非
洪範貌言乎貌謂舉措可觀言謂詞說合理此皆才幹
之士方能及此今所試之判不求浮華但令直書是非
以觀理識於此旣蔽則無貌言斷可知矣書者非理人
之具但字體不至乖越卽爲知書判者斷決百事真爲

彼

夫

鑒

吏所切故觀其判則才可知矣比身言及書豈可同爲
銓序哉有司復詰曰王者之盛莫逾堯舜書稱敷納以
言爲求才之通軌今以言爲後亦有說乎對曰敷納以
言者謂引用賢良升於達位方將詢以庶政非言無以
知之其唐虞百官咨俞無幾其下小吏官長自求各行
敷納事至簡易今吏曹所習輒數千人三銓藻鑑心目
難溥訓喧競之不暇又何敷納之有乎其茂才以上學
業旣優可以言政教接以談論近於敷納矣有司復曰
士有言行不差而闕於文學或頗有文學而言行未脩
但以諸科取之無乃未備對曰吏曹所銓必求言行得

革致

采之

有昇

令

其

稱

併

之既審然後授官則外州遙試未爲通矣今銓衡之下
姦濫所萃紛爭劇於獄訟僞濫深於市井法固至此無
如之何豈若外州先試兼察其行苟居宅所在則隣伍
知之官司耳目易爲採聽古人鄉舉里選方斯近矣且
今之新法以學舉者一經畢收以判選者直書可否可
謂易矣修言行者心當敦固不能爲此餘何足觀若有
志性過人足存激勸及躬爲惡行不當舉用者則典章
已備但舉而行之耳故無云焉有司復曰其人効官公
清且有能政以其短於詞判不見褒陞無乃闕於事實
乎對曰苟能如此最爲公器使司善狀國有常規病在

不行耳但今諸道觀察使每年終必有褒貶不得僭濫
則善不蔽矣問曰試帖經者求其精熟今廢之有何理
乎對曰夫人之爲學帖易於誦誦易於講今口問之令
有講釋若不精熟如何應對此舉其難者何用帖爲且
務於帖則於義不專非演智之術固已明矣夫帖者童
稚之事今方授之以職而待以童稚於理非宜有司復
曰舊法口問並取通六今令通八無乃非就易之義乎
答曰所習者少當務其精止於通六失在鹵莽是以然
耳復曰舉人試策例皆五通今并爲一有何理對曰夫
事尚實則有功徇虛則益寡試策五通多書問目數立

而近代以來祿利所出數十百孔故人多岐心疏瀉漏
失而不可轄也夫入仕者多則農工益少農工少則物
不足物不足則國貧是以言入仕之門太多禮曰天子
之元子士也天下無生而貴者則雖儲貳之尊與士伍
同故漢王良以大司徒位免歸蘭陵後光武巡幸始復
其子孫邑中徭役丞相之子不得蠲戶課而近代以來
九品之家皆不征其高蔭子弟重承恩獎皆端居役物
坐食百姓其何以堪之是以言代胄之家太優先王制
士所以理物也置祿所以代耕也農工商有經營作役
之勞而士有勤人致理之憂雖風猷道義士伍爲貴其

奉

苦樂利害與農工商等不甚相遠也後代之士乃撞鐘
鼓樹臺榭以極其歡而農工鞭臀背役筋力以奉其養
得仕者如昇仙不仕者如沈泉歡娛憂苦若天地之相
遠也夫上之奉養也厚則下之徵斂也重養厚則上覬
其欲斂重則下無其聊故非類之人或沒死以趣上構
姦以入官非唯求利亦以避害也是以言祿利之資太
厚語曰陳力就列不能者止昔李膺周舉爲刺史守令
畏憚覩風投印綬者四十餘城夫豈不懷祿而安榮哉
顧漢法之不可偷也自隋變選法則雖甚愚之人蠕蠕
然第能乘一勞結一課獲入選叙則循資授職族行之

乘

官隨列拜揖藏俸積祿四周而罷因緣侵漁抑復有焉其罷之日必妻孥華楚僕馬肥腩而偃仰乎士林之間及限又選終而復始非為巨害至死不黜故里語謂人之為官若死然未有了而倒還者為官如此易享祿如此厚上法如此寬下斂如此重則人孰不違其害以就其利者乎是以言督責之令太薄既濟以為當輕其祿利重其督責使不才之人雖虛座設位置印綬於旁揖讓而進授之不敢受寬其征徭安其田里使農商百工各樂其業雖以官誘之而莫肯易如此則規求之志不禁而息多士之門不扃而閉若上不急其令下不寬

昇敘

其徭而欲以法術遮列禁人奸冒此猶坏土以壅橫流也勢必不止夫古今選用之法九流常叙有三科而已曰德也才也勞也而今選曹皆不及焉何以言之且吏部之本存乎甲令雖曰度德居官量才授職計勞升秩其文具矣然考核之法皆在判書簿歷言詞俯仰之間侍郎非通神不可得而知之則安行徐言非德也麗藻芳翰非才也累資積考非勞也苟執此不失猶乖得人况衆流茫茫耳目有不足者乎蓋非鑒之不明非擇之不精法使然也先朝數人以下言之詳矣是以文皇帝病其失而將革焉夫物盈則虧法久終弊雖文武之道

亦與時張弛五帝三王之所以不相沿也是以王者觀
 變以制法察時而立政按前代選用皆州府察舉及年
 代久遠訛失滋深至於齊隋不勝其弊凡所置署多由
 請託故當時議者以為與其率私不若自舉與其外濫
 不若內收是以罷州府之權而歸於吏部此矯時懲弊
 之權法非經國不刊之常典今吏部之法蹙矣復宜掃
 而更之無容循默坐守利弊伏以為當今選舉人未士
 著不必本於鄉閭鑒不獨明不可專於吏部謹詳度古
 制折量今宜謂五品以上及羣司長官俾宰臣進叙吏
 部得參議焉其六品以下或僚佐之屬許州府辟用則

銓擇之任悉委於四方結奏之成咸歸於二部必先擇
 牧守然後授其權高者先署而後聞卑者聽版而不命
 其牧守將帥或選用非公則吏部兵部得察而舉之聖
 主明目達聰逃聽遐視罪其私冒不慎舉者小加譴黜
 大正刑典責成授任誰敢不勉夫如是則接名偽命之
 徒菲才薄行之人貪叨賄貨懦弱姦宄下詔之日隨聲
 而廢通計大數十除八九則人少而員寬事詳而官審
 賢者不獎而自進不肖者不抑而自退除隋權道復古
 美制則衆才咸得而天下幸甚或曰當開元天寶中不
 易吏部之法而天下砥平何必外辟方臻於理既濟以

爲不然夫選舉者經邦之一端雖制之有美惡而行之由於法令是以州郡察舉在兩漢則理在魏齊則亂吏部選集在神龍則紊在開元天寶則理當其時久承升平御以法術慶賞不軼威刑必齊由是而理匪用吏部而臻此也向以此時用辟召之法則其理不益久乎夫議事以制不以權當徵其本末計其遐邇豈時得時失之可言耶或曰帝王之都必浩穰輻輳士物繁合然後稱其大若權散郡國遠人不至則京邑索矣如之何又甚不然自古至隋數百千年選舉之任皆分郡國當漢文景武帝之時京師庶富百廛九市不得顧車不得旋

侈溢之盛亦云極矣豈待選舉之士爲其助哉又夫人有定土土無賸人浮冗者多則地著者少自隋罷外選招天下之人聚於京師春還秋往鳥聚雲合窮關中地力之產奉四方游食之資是以筋力盡於漕運薪粒方於桂玉是由斯人索我京邑而謂誰索乎且權分州郡所在辟舉則四方之人無有遐心端居尊業而祿自及祿苟未及業常不廢若仕進外絕要攢乎京惜時懷祿孰肯安堵必貨鬻田產竭家贏糧糜費道路交馳往復是驅地著而安爲浮冗者也夫京師之冗孰與四方之實一都之繁孰與萬國之殷况王者當繁其天下豈廛

開之中校其衆寡哉或曰仕門久開入者已衆若革其
法則舊名常調不足以致身使中才之人進無所容退
無所習其將安歸乎既濟以爲人繫賢愚業隨崇替管
庫之賢既可以入仕則士之不肖寧愧乎出流從古以
然非一代也故傳云三后之姓於今爲庶今士流既廣
不可強廢但鍵其舊門不使新入峻其宦途不使濫登
十數年間新者不來而舊者耗矣待其人少然後省官
夫人之才分各有餘裕自爲情欲所汨而未嘗盡焉引
之則長縈之則短在勉而已故凡士族皆稟父兄之訓
根聰明之性蓋以依倚官緒無湮淪墊溺之虞故循常

以
實

不修名義罕立此教使然也若惟善是舉不才決棄前
見爵祿後臨塗泥人懷憤激孰不騰進則中品之人悉
爲長材雖曰慎選捨之何適

選舉雜議凡七條一或曰按國家甲令凡舉貢人本

求才德不選文詞故律曰諸貢舉人非其人者徒注云
謂德行乖僻者也居州郡則廉使升聞在朝廷則以時
黜陟用茲懲勸足爲致理有司因循不修厥職浸以訛
謬使其陵頽今但修舊令舉舊政則人服矣焉用改作
答曰州郡以德行貢士禮闈以文詞揀才試官以帖問
求學銓曹以書判擇吏俱存甲令何令宜修且惟德無

選舉雜議凡七
條七字別行格
一或曰字提頭
昇

常

導

拳

或曰以下別提頭

形惟才不器搏之弗得聆之弗聞非在所知焉能辨用
 今禮部吏部一以文詞貫之則人斯遠矣使臣廉舉但
 得其善惡之尤者耳每道累歲罕獲一人至如循常諄
 諄蚩駘愚鄙者或身甚廉謹政為人蔽者或善為姦濫
 祕不彰聞者一州數十人曷嘗聞焉若銓不委外任不
 責成不疏其源以道其流而以文字選士循資授職雖
 口誦律令手操斧鉞以臨其人無益也非改之不可
 二或曰昔後漢貢士諸生試經學文吏試牋奏則舉人
 試文乃前王典故而子獨非於今何也答曰漢代所貢
 乃王官耳凡漢郡國每歲貢士皆拜為郎分居三署儲
 才待詔無有常職故初至必試其藝業而觀其能否至
 於郡國僚吏皆府主所署版檄召用至而授職何嘗實
 貢亦不試練其遐州陋邑一掾一尉或津官戍吏皆登
 銓上省受試而去者自隋而然非舊典也
 三或曰若

板

或曰以下提頭

使外州辟召必是牧守親故或權勢囑託或旁鄰交質
 多非實才奈其濫何答曰誠有之也然其濫孰與吏部
 多請較其優劣且州郡牧守古稱共理政能有美惡之
 跡法令有殿最之科分憂責成誰敢濫舉設如年多人
 急法久弊生天網恢疎容其姦謬舉親舉舊有囑有情
 十分其人五極其濫猶有一半尚全公道如吏部者十

則辨

無一焉請試言之凡在銓衡唯徵書判至於補授祇校官資善書判者何必吏能美資歷者寧妨貪戾假使官資盡愜刀筆皆精此為吏曹至公之選而補授之際官材匪詳或性善緝人則職當主辨或才堪理劇則官授散員或時有相當亦幸中耳非吏曹素得而知也有文無賴者計日可升有用無文者終身不進况其書判多是假手或他人替入或旁坐代為或臨事解衣或宿期定估才優者一兼四五自製者十不二三况造偽作姦冒名接脚又在其外令史受賂雖積謬而誰尤選人無資雖正名而猶剝又聞昔時公卿子弟親戚隨位高低

俗

四或曰以下提頭

各有分數或得一人二人三人四人不在放限者禮部明經等亦然謂之省例斯非濫歟若等為濫此則百倍而多者也○四或曰吏部有濫止由一門州郡有濫其門多矣若等為濫豈若杜衆門而歸一門乎答曰州郡有濫雖多門易改也吏部有濫雖一門不可改也何者凡今選法皆擇才於吏部述職於州郡若才職不稱紊亂無任責於刺史則曰官命出於吏曹不敢廢也責於侍郎則曰量書判資考而授之不保其往也責於令史則曰按由歷出入而行之不知其他也黎庶受弊誰任其咎若牧守自用則罪將焉逃必州郡之濫獨換一刺

從佗

主

或曰以下提頭

日

嚮

或曰以下提頭

政

子

邦

訓

恩

或曰以下提頭

史則革矣如吏部之濫雖更其侍郎無益也蓋九流浩
 浩不可得知法使之然非正司之過故云門雖多而易
 改門雖一而不可改者以此○五或曰今人多情故長
 恐許其選吏必綱紀紊失不如今已之有倫也答曰不
 假古義請徵目前以明之今諸道節度都團練觀察租
 庸等使自判官副將以下皆使自銓擇縱其間或有情
 故大舉其例十猶七全則辟吏之法見行於今但未及
 於州縣耳利害之理較然可觀何紀之失何綱之紊向
 令諸使僚佐書授於選曹則安獲鎮方隅之重理財賦
 之殷也○六或曰頃年常嘗見州縣有攝官皆是牧守所

自署置正多苟且不議久長纔始到官已營生計迎新
 送故勞弊極矣今令州郡名辟則其弊亦爾奈何答曰
 國家職員皆稟朝命攝官承乏苟濟一時不日不月事
 必停省人雖流而責不及績雖著而官不成便身而行
 不苟何待若職無移奪命自州郡所攝之官便為已任
 上酬知己下利班榮爭竭智力人誰不盡今常調之人
 遠授一職已數千里赴集又數千里之官挈携妻孥復
 往勞苦必一周而在路料間歲而停官成名非知己之
 思後任可計考而得此之不苟而誰為苟○七或曰今
 四方諸侯或有未朝覲者若天下士人既無常調久不

得祿人皆嗟怨必相率去我入於他境則如之何答曰
善哉問乎辟舉法行則搜羅畢盡自中人以上皆有位
矣此祿之不及者皆下劣無任之人復何足惜當今天
下凋弊之本實為士人太多何者凡士人之家皆不耕
而食不織而衣使下奉其上不足故也大率一家有養
百口者有養十口者多少通計一家不減二十人萬家
約有二十萬口今有才者既為我用愚劣者盡歸他人
有萬家歸之內則二十萬人隨之食其黍粟衣其縑帛
享其祿廩役其人庶我收其賢彼得其愚我減浮食之
口二十萬彼加浮食之人二十萬則我弊益減而彼人
益困自古興邦制敵之術莫出於是唯懼去我之不速
也夫何患焉

内外文武學九字并
注七字別行格
吏部尚書以下提頭
侍郎下空一格

紉

請改革選舉事條
○内外文武官五品以上注應非選司
右請宰相總其進叙吏部兵部參議可否
○吏部尚書
侍郎右請掌議文官五品以上除拜六品以下攢奏兼
察舉選用之不公者諸京司長官及觀察使刺史舉用
僚佐有才職不稱背公任私者得
察舉彈奏非選用濫失不得舉
凡有所察郎中刺舉員外郎判成侍郎
尚書署之而後行諸官長若犯他過搜司自當彈奏即
非吏部所察故云非選用濫失不得
舉餘所掌准舊若官長選用濫失有聞而吏部不舉請
委御史臺彈之御史臺不舉即左右彈之按六典御史
有糾不當者

兵部尚書以下提頭

禮部每年以下提頭

兵部舉選以下提頭

所以

京官六品以下提頭

王

州府佐官以下提頭

縣

上州省事以下十六字并注提頭專行

中下縣丞以下提頭

以下書提頭者皆做之

即左右丞侍郎二字小書分注○兵部尚書侍郎右請掌議武官五品以上右字上字格下皆同

除拜六品以下攢奏兼察舉選用之不公者諸軍衛長官及節度

部團練使舉用將校才職不稱背公任私者得察舉彈奏非選用濫失不得舉凡有所察舉及

臺省糾彈如吏部之法餘所掌准舊○禮部每年貢舉

人右並請停廢有別項經藝之士請於國子監六學中

銓擇國子學大學四門學律學書學算學○兵部舉選右請停廢昔隋置折衝府

戰則武官武選本末可徵今內外邦畿皆有師旅偏裨

將校所在至多誠宜設法減除豈復張門誘入況若此

輩又非驍雄徒稱武官不足守禦雖習弓矢不堪戰鬪

而坐享祿俸規逃征徭今請悉停以絕姦利○京官六品以下應合選司右

吏部兵部奏成乃下勅牒并符告於本司是為正官考

從奏成日計凡攝官俸祿各給半○府州佐官別駕少尹五府

司馬赤令皆不在此限右自長史以下至縣丞尉諸州長史司馬或雖是五品以

上官亦同請各委州府長官自選用不限土客其申報

正攝之制與京官六品以下同其邊遠羈縻等州請兼

委本道觀察使共銓擇補授○上州省事市令中州參

軍博士下州判司錄事參軍中下縣丞以下及關津鎮

戍官等右請本任刺史補授訖申吏部兵部吏部兵部

給牒然後成官並不用聞奏其員數不得踰舊制雖吏

部未報並全給俸祿若承省牒在任與正同去任後不

得稱其官職若州司以勞効未著而不申者請不限年

月並聽之○州縣右請准舊令州為三等上中縣為五

等赤畿上其餘緊望雄輔之名請廢夫等級繁多則仕

即務速遷官非久安政亦苟且請減衆○六品以下官

級以懲僥倖心則官僚可期羣才無壅唐虞遷官必以九載魏晉以

資歷右並請以五周為滿後皆經六周國家因隋為四

近又減削為三考今三四則太少其遷轉資歷請約修

六九則太多請限五周庶為折中舊制官亦滿即任召用並無選數若才行理績有尤

異者請聽超遷每長官代換其舊僚屬若有負犯及不

稱職者請任便替若無負犯皆待考滿未滿者不得替

○諸道使管內之人及州縣官屬有政理尤異識略宏

通行業精修藝能超絕及懷才未達隱德邱園或堪充

內官不稱州縣者並申送將校偏裨有兵謀武藝或堪

充宿衛或可為統帥者右請不限多少各令長官具述

才行謀略舉送朝廷皆申上吏部兵部各設官署以處

之審量才能銓第高下每官職有缺及別項任使則隨

才擢用如漢光祿勳稱舉者舉主加階進爵得賢俊者

遷其官若自用僚屬雖得賢不賞

禁約雜條○一諸使及諸司州府長官舉用僚屬請明

書事跡德行才能請授某官某職皆先申吏部兵部若

使奏官兼帶職掌者即以職掌分其文武不計吏部兵

本官帶州縣職即申吏部帶軍職即申兵部

禁約雜條四字專行
一諸使以下提頭

選舉六

部膽其詞而奏云得某使某軍司某州府狀稱以元狀人入按每使每

司每州各為一簿提頭一提頭所舉官吏在任日有行迹乖謬

不如舉狀及犯罪至徒以上者請兼坐舉主其所犯人自依常法

本條一人奪祿一年諸使無祿者准三品官以料錢折納依時估計二人奪賜

無賜者貶其色降紫從緋降緋從綠降綠從碧三人奪階及爵有爵無階有階無爵者加奪賜

及四人解見任職事官已上在任者五人貶官節度觀察使降為刺

史刺史降為上佐皆以邊州六人除名雖六人以上有犯贓罪至流

以上者倍論之倍謂一人從二人之法二人從三人之法三人從四人若

舉用後續知過謬具狀申述及自按劾者請勿論此謂所

不審舉用提頭一提頭所舉官有因姦納賂而舉者有親故非

才而舉者有容受囑託而舉者有所知不善而故舉者

有犯一科請皆以同上論不在官贖限囑託舉者兩俱

為首規求者為從在

評曰夫人生有欲無君乃亂君不獨理故建庶官昔有

唐虞皆訪於眾則舜舉八元八凱四岳之舉夔龍稷契

此蓋用人大略也降及三代擇於鄉庠然後授任其

制漸備秦漢之道雖不師古閭塾所推猶本乎行而郡

國佐吏並自獎擢備嘗試効乃登王朝內官有僚屬者

亦得徵求俊彥暨於東漢初置選職推擇之制尚習前

規左雄議以限年其時不敢謬舉所以二漢號為多士

魏晉設九品置中正蓋論閎閎罕考行能選曹之任益
爲崇重州郡之刺史太守內官之卿尹大夫咸吏部所
署而辟召及鄉里之舉舊式不替永嘉之後天下幅裂
三百餘祀方遂混同中間各承正號凡有九姓大抵不
變魏晉之法皆亂多理少諒無足可稱夫文質相矯有
如循環教化所由興喪是繫自魏三主俱好屬文晉宋
齊梁風流彌扇體非典雅詞尙綺麗澆訛之弊極於有
隋且三代以來憲章可舉唯稱漢室繼漢之盛莫若我
唐惜乎當創業之初承文弊之極可謂遇其時矣羣公
不議救弊以質而乃因習尙文風教未淳慮由於此緬
徵往昔論選舉者無代無之或云官繁人困要省吏員
或云等級太多患在遽進或云守宰之職所擇殊輕或
云以言取人不如求行是皆能知其失而莫能究所失
之由何者撥秦法唯農與戰始得入官漢有孝悌力田
賢良方正之科乃時令徵辟而常歲郡國率二十萬口
貢止一人約計當時推薦天下纔過百數則考精擇審
必獲器能自茲厥後轉益煩廣我開元天寶之中一歲
貢舉凡有數千而門資武功藝術胥吏衆名雜目百戶
千途入爲仕者又不可勝記比於漢代且增數十百倍
安得不重設吏職多置等級遞立選限以抑之乎常情

進趨共慕榮達升高自下由邇陟遐固宜驟歷方至何暇淹留著績秦氏列郡四十兩漢列郡百餘太守入作公卿郎官出宰縣邑便宜從事闕略其文無所可否責以成効寄委斯重酬獎亦崇今之部符三百五十郡縣差降復為八九邑之俊又不得有之事之利病不得專之八使十連舉動咨稟地卑禮薄勢下任輕誠曰徒勞難階超擢容易而授理固然也始後魏崔亮為吏部尚書無問賢愚以停解日月為斷時沉滯者皆稱其能魏之失才實從亮始洎隋文帝素非學術益有天下不欲權分罷州郡之辟廢鄉里之舉內外一命悉歸吏曹纔

則

厠班列皆由執政執政參吏部之職吏部總州郡之權罔徵體國推誠代天理物之本意是故銓錄失叙受任多濫豈有萬里封域九流叢奏掄才授職仰成吏曹以俄頃之周旋定才行之優劣求無其失不亦謬歟爾後有司尊賢之道先於文華辨論之方擇於書判靡然趨尙其流猥雜所以闕經號為倒拔徵詞同乎射覆置循資之格立選數之制壓例示其定限平配絕其踰涯或糊名考覈或十銓分掌苟濟其末不澄其源則吏部專總是作程之弊者文詞取士是審才之末者書判又文詞之末也凡為國之本資乎人毗人之利害繫乎官政

欲求其理在久其任欲久其任在少等級欲少等級在
精選擇欲精選擇在減名目俾士寡而農工商衆始可
以省吏員始可以安黎庶矣誠宜斟酌理亂詳覽古今
推仗至公矯正前失或許辟召或令薦延舉有否臧論
其誅賞課績以考之升黜以勵之拯斯利弊其效甚速
實爲大政可不務乎

通典卷第十八

通典卷第十八

通典卷第十九

職官一

唐

京

地

杜

佑

君

卿

集

職官

官制摠序

昊

伏羲氏

太皞

以龍紀故爲龍師名官

師長也龍化其官長故爲龍師春官爲青

龍夏官爲赤龍秋官爲白龍冬官爲黑龍中官爲黃龍

也共工氏以水紀故爲水師水名

共工氏以諸侯霸有九州者以受水瑞故

其官

神農氏以火紀故爲火師火名

火德也故爲炎帝春官爲大火

夏官爲鶉

火秋官爲西火冬官爲北火中官爲黃帝

黃帝則

雲師雲名

黃帝受命有雲瑞故以雲紀事春官爲青雲夏官爲縉雲秋官爲白雲冬官爲黑雲中官

爲黃雲也黃帝有景雲之應因以名師與其官也

少皞摯之立也鳳鳥適至故

昊

職官一

崇仁謝氏重刊

曆官去

鳥紀為鳥師而鳥名鳳鳥氏歷正也鳳鳥知天時故元

鳥氏司分也元鳥燕也以春伯趙氏司至也伯趙伯勞

鳴至青鳥氏司啓也青鳥鶻也丹鳥氏司

閉也丹鳥鶻也以上四鳥皆歷正之屬祝鳩氏司徒也

祝鳩氏司徒也鳩鳩也鳩鳩氏司馬也鳩鳩王鳴也

法鳩鳩氏司空也鳩鳩也鳩鳩氏司事也鳩鳩也

鳩氏司寇也爽鳩鷹也鳩氏司事也鳩鳩也

去故為司事音骨鳩氏司事也鳩鳩也

交反似山鵲而小至春多聲五鳩鳩民者也鳩鳩聚也

以鳩五雉為五工正五雉雉有五種西方曰鷩雉東方

為名五雉為五工正五雉雉有五種西方曰鷩雉北方曰鷩雉

伊洛之南利器用正度量夷民者也九扈為九農

曰翬雉

玄

正扈止也止人使不淫放也扈有九種春扈鷩鷩夏扈

噴噴元秋扈竊藍冬扈竊黃棘扈竊丹行扈噴噴宵扈

宜以教民事者也鷩音勅倫反噴噴音壯革

反自顛頊以來不能紀遠乃紀於近為民師而命以民

事言德不能致遠始以民事命官也此鄭子對魯昭

見於郊子又有五行之官是謂五官社稷五祀是尊是

而學之五官之君長能修其業者死配春官木正曰勾芒正

奉食於五行之神為王者所尊奉春官木正曰勾芒正

長也取木生勾曲而夏官火正曰祝融祝融明貌也秋

有芒角其祀重也夏官火正曰祝融其祀黎也

官金正曰蓐收秋物摧蓐而可冬官水正曰元冥水陰

冥其祀修中官土正曰后土土為羣物之主故稱后也

及熙焉中官土正曰后土其祀為勾龍焉在家則祀

中雷在野唐堯之代命羲和欽若昊天歷象日月星辰

則祀社

職官一

敬授人時重黎之後羲氏和氏世掌天地四時之官故

方中星辰日月所會歷象其分節敬記分命羲仲宅嵎

夷曰暘谷宅居也東表之地稱嵎夷暘明也日出於谷

治東方寅賓出日平秩東作寅敬賓導秩序也歲起於

之官寅賓出日平秩東作東而始就耕謂之東作東

序東作之舉以務農也申命羲叔宅南交申重也南

春交舉一隅以見之平秩南訛敬致訛化也掌夏之官

此居治南方之官分命和仲宅西曰昧谷昧實也

四時同之亦舉一隅分命和仲宅西曰昧谷日入於

東可知此居治西方之官掌秋天之政寅餞納日平

秩西成秋餞送也日出言導日入言送因事之宜申命和

叔宅朔方曰幽都平在朔易北稱朔亦稱方言一方則

明從可知也都謂所聚也易謂歲改易於北方平均在

察其政以順天常上總言羲和敬順昊天此分別仲叔

各有允釐百工庶績咸熙允信釐治工官績功咸皆熙

所掌授事則能信治百內有百揆四岳四岳分主四方諸

官衆功皆歎其善內有百揆四岳四岳分主四方諸

謂之四岳四時之官主四岳之事始羲和之時主四岳者

兜共工放齊鯀四人而已餘四人無文可知故書傳云

惟元祀巡狩四岳八伯堯始以羲和為六卿春夏秋冬

者并掌方岳之事是為四岳出則為伯其後稍死分置

八伯以九州而言八伯者據畿外八州也畿內不置伯

以鄉遂之吏主之四岳之外更有百揆之官者但堯初

天官為稷至堯試舜天官之任則謂之百揆舜又命禹

為百揆皆外有州牧侯伯外置州牧十二虞舜有天下

以伯禹作司空使宅百揆禹代鯀為崇伯入為天子司

棄后稷播百穀契作司徒敷五教布五常皋繇作士正

職官一

五刑士理垂作共工利器用垂臣名共謂供伯益作虞

育草木鳥獸虞掌山澤之官伯夷秩宗典三禮秩序宗尊也三禮天地人之禮

伯夷名姜姓夔典樂教胄子胄長也謂元子以下至卿大夫子弟以歌詩蹈之舞之教長國

子中和庸孝友和神人命夔使龍作納言出納帝命納言舌之官

聽下言納於上受上蓋亦為六官以主天地四時也靈

恩曰自顓頊以來命南正重司天火正黎司地故重黎

之後世掌天地官號曰羲和唐堯受之廼置天地四時

之官命羲和之後使復舊職而掌天地之事又分命羲

仲義叔和仲和叔使主四時為六卿之任及其末年舜

攝百揆改地官為司徒秋官為士冬官為司空春官為

秩宗故尚書曰廼命羲和欽若昊天分命和仲和叔等

使主四時之事又云百姓不親五刑有服秋官之任也

敷五教地官之事也臯繇作士五刑有服秋官之任也

禹作司空以平水土冬官之職也伯夷為秩宗典朕三

禮此春官之所司也又周禮正義曰稷為天官羲和為

夏官共為夏后氏之制亦置六卿甘誓曰廼召其官名

六官也次猶承虞制禮記曰夏后氏官百天子有三公殷制天

子建天官先六太曰太宰太宗太史太祝太士太卜典

司六典典猶法也此蓋殷時制也周制太宰為天官太

宗曰宗伯宗伯為春官太史以下屬焉太士以

神仕天子之五官曰司徒司馬司空司士司寇典司五

者衆謂羣臣也此亦殷時制也周制司士屬司天子之

衆馬太宰司徒宗伯司馬司寇司空為六官天子之

六府曰司土司木司水司草司器司貨典司六職府土

則 則 則

物之稅者此亦殷時制也周制皆屬司徒司土均也

司木山虞也司水川衡也司草稻人也司器角人也司

貨升人也升音革猛反天子之六工曰土工金工石工木工獸工

草工典制六材此亦殷時制也周制皆屬司空土工陶

族也金工築冶皂桌鍛桃也石工玉人

職官一

四

通事考卷九

磬人也木工輪輿弓盧匠車梓也獸工函鮑鞞韋裘也
唯草工職亡蓋謂作萑葦之器鞞音吁援反旂音方往
反五官致貢曰享謂之功也享獻也致其歲終之功於王
正其治受其會聽其五官之長曰伯謂為三公也周千
致事而詔王廢置也

里之內為王畿千里之外設方伯五國以為屬屬有長
十國以為連連有帥三十國以為卒卒有正二百一十

國以為州州有伯屬連卒州猶聚也伯帥正亦長也凡
長皆因賢侯為之殷之州長曰伯虞

夏及周皆曰牧八州八伯五十六正百六十八帥三百三十六

長八伯各以其屬屬於天子之二人分天下以為左

右曰二伯老謂上周成王既黜殷命參攷殷官制為周

禮以作天地四時之名謂之六卿改太宰為天官冢宰

徒為地官司馬為夏官司立天官冢宰掌邦治地官司

徒掌邦教春官司宗伯掌邦禮夏官司馬掌邦政秋官司

寇掌邦刑冬官司空掌邦事六官之職皆總屬於冢宰

以聽於冢宰爾雅曰冢大也冢各有徒屬周於百事崔

宰則太宰於百官無所不主各有徒屬周於百事崔

恩曰夫百王不同各置官禮為禪讓相傳者亦不得不

改但所以禪讓者少非禪讓之世者變易必多以革人視

聽所以禪讓不改多者以禪讓道同人未為弊故不改

者多非禪讓之世須變人情故必多改故王者之興必

有改官之禮此周歲終天子齋戒受諫諫當有六卿以

禮所興之意也百官之成質於天子質猶平也百官齋戒受質受平

然後休老勞農成歲事斷計制國用自周衰官失

而百職亂戰國並爭各有變易暨秦兼天下建皇帝之

通事考卷九 職官一

五

改

以

號五帝自以德不及三皇故自去其皇號三王又以德不及五帝自損稱王秦自以德兼二代故兼稱之

立百官之職不師古始罷侯置守太尉主五兵丞相總

百揆又置御史大夫以貳於相漢初因循而不革隨時

宜也其後頗有所改孟康注漢書曰大司馬左右前後將軍侍中常侍散騎諸吏為中

朝丞相以下至於六王莽篡立慕從古官而吏民弗安

亦多虐政遂以亂亡當更始之時官爵皆羣小賈豎語

關爛羊頭光武中興務從節約并官省職費減億計後漢

建武六年詔曰百姓遭難戶口耗少而官吏尚繁於是

廢丞相與御史大夫而以三司綜理眾務泊於叔世事

歸臺閣論道之官禮備員而已魏與吳蜀亦多依漢制

晉氏繼及大抵略同山公啟事曰晉制諸坐公事者皆

遺遙無事臣以為略依左遷法隨資裁減之亦足懲戒

而官不失其用詔善之又傳元奏曰諸官有病滿百日

不差宜令去職優其禮秩既差而復用泰元六年改制減費損吏士職員

凡七百人時議省州郡縣半吏以赴農功苟易議以為

心昔蕭曹相漢載其清靜此清心也漢文垂拱幾致刑

措此省事也光武并合吏員縣官國邑纔置十一此省

官也魏太和中遣王人四出減天下吏員正始中亦并

合郡縣此省吏也今必欲求之於本則宜以省事為先

設官分職委事責成量能授任思不出位若欲省官竊

謂九寺可并於尚書蘭臺宜省付三府至東晉桓温又

表曰愚謂門下三省祕書著作通可減半古以九卿綜

事不專尚書今事歸內臺則九卿為虛設皆宜省并若

郊廟籍田之屬則臨爰及宋齊亦無改作宋時定制新

菴

受

玄才

皇卷十九職官

生故杜其欲速之情以申考績之實耳今父母之疾而加以罪名損義疾理莫此為大詔從之於是自二品以上父母及為祖父母後者墳墓崩毀及疾病放屬輒去並不禁錮又劉祇為中書郎江夏王義恭領中書監服親不得相臨表解職也武詔曰昔二王兩謝俱至崇禮自今三臺五省悉同此例又詔曰方鎮所假禮白版祿三分之一不給送官司有三臺五省之號漢舊名五省謂尚書中書門郡縣有三歲為滿之期宋州郡縣居下祕書集書省也郡縣有餘號梁武帝時置百二十四班陳遵梁制不失舊物陳依梁制年未滿三十者不得入簿西曹左奏及經為挽郎得仕其諸郡唯正王任丹陽尹經迎得出身庶姓尹不得必有奇才異行殊勲別降恩旨敘用者不在常例其相知表啟通舉者每常有之亦因年考校黜陟之既不為此式所以勤惰無辨凡選

主

官無定期闕即補多更年互遷官未必即進班秩其官唯論清濁從濁官得微清即勝於轉若有遷授或山別勅任移轉一人為官則即諸官多須改動陳書曰舊式拜官皆在午後唯拜蔡景歷為度支尚書日駕幸元武觀帝恐景歷是日不後魏昭成之即王位初置官司分得預宴特令早拜以燕鳳為右長史然而其制草創名稱乖疎皇掌眾職許議為郎中令始元年道武平并州始建臺省置百官封公侯將軍刺史太守尚書郎等官悉用文人天興中太史言天文錯亂當改王易政故官號數革初道武制官皆擬遠古雲鳥之義諸曹走使謂之鳥鳴取飛之迅疾也以伺察候宮禁謂之白鷺取其延頸遠視他皆類此至孝文太和中王肅來奔為制官品百司位號皆淮南朝改次職令以為永制凡守令以六年為滿後經六年乃敘又作考格以之黜陟太和十八年詔曰古

者三載考績三考黜陟朕今三載一考考便黜陟各令當司考其優劣為三等六品以下尚書重問五品以上朕與公卿親論善惡上上者選又宣武帝行考陟之法之下者黜之中中者守本位

任事上中者三年升一階散官上第者四載登一級孝

明以後授受多濫自明帝孝昌以後天下多難刺史太守皆為當部督雖無兵事並立佐僚

所在頗為煩擾及東魏靜帝時齊神武作相高隆之表請自非實在邊要見有兵馬者悉皆斷之又時諸朝貴多假常侍以取貂蟬之飾隆之自表解侍中并陳諸假侍服者請亦罷之又自軍國多事冒竊官者不可勝數隆之奏請復檢括得五萬餘人北齊創業亦遵後魏臺而羣小喧囂隆之乃懼而止

省位號多類江東以門下省掌獻納諫正中書省管司

容諷議中常侍省掌出入後王臨御爵祿犬馬御馬及門閤御史臺察糾彈劾

儀同郡公之號籍以旃罽食物十餘種其宮婢閹人商人胡人雜戶歌舞人見鬼人濫富貴者萬數至末年太

並增員而授或兩或三不可稱數後周之初據關中

猶依魏制及平江陵之後別立憲章酌周禮之文建六

官之職其他官亦兼用秦漢他官謂將軍都督刺史太守之類是也隋文

帝踐極百度伊始復廢周官還依漢魏其於庶僚頗有

損益凡官以四考而代又制凡官以理去職聽並執笏至煬帝初存稽

古多復舊章百官不得計考增級如有德行功能灼然顯著者擢之大業三年始

行新令有三臺五省五監十二衛十六府殿內尚書門下內史祕書

五省也謁者司隸御史三臺也少府長秋國子將作都小五監也左右翊左右驍左右武左右屯左右禦左右候十二衛也左右備身左右監門等凡十六府也或是舊名或是新置諸省及左右衛武候領軍監門府為內官自餘於時天下繁富四方無虞衣冠文物為盛矣既

三

而漸為不道百度方亂號令日改官名月易圖籍散逸不能詳備

大唐初職員多因隋制雖小有變革而大較不異高祖制文官遭父喪者聽去職貞觀六年大省內官凡文武定

員六百四十有二而已顯慶元年初制拜三師三公親王尚書令雍州牧開府儀同三

司驃騎大將軍左右僕射並臨軒冊授太子三少侍中中書令諸曹尚書諸衛大將軍特進鎮軍輔國大將軍

光祿大夫太子詹事太常卿都督及上州刺史在京者朝堂受冊又制文武官五品以上老及病不因罪解者

並聽同致仕例龍朔二年又改京司及百官之名改尚書省為中臺門下省

為東臺中書省為西臺其餘官司悉改之咸亨元年復舊至於武太后再易

庶官或從宜創號改尚書省為鳳閣御史臺為肅政臺及中書省為鳳閣御史臺為肅政臺及

諸寺衛等名又置控鶴府官員或參用古典改六尚書為天天授二年

凡舉人無賢不肖咸加擢拜大置試官以處之試官蓋

起於此也試者未為正命凡正官皆稱行守其階高而官卑者稱行階卑而官高者稱守官階同者

並無行守字太后務收物情其年二月十道使舉人并州石艾縣令王山耀等六十一人並授拾遺補闕懷州

錄事參軍崔獻可等二十四人並授著作郎魏州內黃縣尉崔參軍徐斯等二十四人並授衛佐校書御史等故當時諺曰

宣道等二十二人並授平斗量把椎侍御史槐脫校書郎試補闕連車載拾遺

官自此於時擢人非次刑網方密雖驟歷榮貫而敗輪始也

繼軌神功元年制日自今本色出身解天文者進轉官不得過太史令音樂者不得過太樂鼓吹署令醫

術者不得過尚藥奉御陰陽卜筮者不得過太卜令解造食者不得過司膳寺諸署令又制其有從勳官品子

流外國官參佐視品等出身者不得進階每一階酬勳兩轉等官若累階應至三品者不得進階每一階酬勳兩轉

如先有上柱國者聽廻授基以上親必神龍初官復舊有異行奇材別立殊效者不拘此例

効 須

推

職官

號凡武太后二年三月又置員外官二千餘人國初舊

官至此大增加兼超授諸闕官為員外官者亦千餘人

中書令李嶠初自地官尚書貶通州刺史至是召拜吏

部侍郎嶠志欲曲行私惠求名悅眾冀得重居相位乃

奏請大置員外官多引用勢家親識至是嶠又自覺銓

衡失序官員倍多於是遂有員外員外至永徽六年以蔣

府庫由是減耗也於是遂有員外員外至永徽六年以蔣

孝璋為尚藥奉御員外特置仍同正員自是員外官復

有同正員者其加同正員者唯不給職田耳其餘俸賜

與正官同單言員外者檢校試攝判知之官攝非州府

則俸祿減正官之半檢校某官判官者云判某速乎景

版署之命檢校者云檢校某官判官者云判某速乎景

官事知者云知某官事皆是詔除而非正命

龍官紀大紊復有斜封無坐處之誦興焉景龍中有太

宜城等諸公主及皇后陸氏妹鄰國夫人李氏妹崇國

夫人并昭容上官氏與其母沛國夫人鄭氏上官柴氏

賀婁氏女巫隴西夫人趙氏皆敘用親識亦多猥濫或

出日減獲或由於屠販多因賂貨累居榮秩咸能別於

側門降墨勅斜封以授焉故時人號為斜封官時既政

出多門遷除甚眾自宰相至於內外員外官及左右臺

御史多者則數踰十倍皆無廳事可以處之故先天以

樹尚

板

會

玄

乃

來始懲其弊元宗御極宰相姚元崇宋璟兼吏部尚書

而姚元崇宋璟等沮先帝之明歸怨陛下道路謗讟天

下稱冤奈何與萬人為仇敵恐有非常之變上以為然

用監察御史柳澤又上疏極言不可其斜封官並量材敘

勅又令替人却停將何以至開元二十五年刊定職次

止姦邪將何以懲風俗至開元二十五年再刪定焉至二十八年又

著為格令此格皆武德貞觀之舊制永徽初已詳定之

省文武六品以下官三百蓋尚書省以統會眾務舉持

繩目門下省以待從獻替規駁非宜中書省以獻納制

通典卷九 職官一

冊敷揚宣勞祕書省以監錄圖書殿中省以供修膳服

內侍省以承旨奉引尚書門下中書祕書殿中內侍凡六省御史臺以肅

清僚庶九寺太常光祿衛尉宗正太僕大五監少府將

軍器都水以分理羣司六軍左右羽林左右龍武十六

衛左右金吾左右監門左右武左右威左右領軍以嚴其

禁禦一詹事府二春坊有左右春坊又有三寺家令寺

大僕十率左右衛左右司禦左右清道左俾又儲宮牧

守督護分臨畿服京府置牧餘府州設官以經之置使

以緯之按察採訪等使以理州縣節度團練等使以督

貨其餘細務因事置使者不可悉數其轉運以自六品

以下率由選曹居官者以五歲為限於是百司具舉庶

績咸理亦一代之制焉一歲為一考四考有替則為滿

吏部注擬謂之旨授五品以上則皆勅除自至德之後

天下多難甄才錄効制勅特拜繁於吏部於是兼試員

外郎倍多正員至廣德以來乃立制限州縣員外兼試

等官各有定額並云額內溢於限者不得視職其有身

帶京官冗職資名清美兼州縣職者云占闕焉即如正

員之例官以三考而代無替四考而罷由是官有常序

第一歷代官制要略

第二三老五更三公總敘四輔三太師太

傅太保太宰太尉半太宰小書司徒司空

大司馬總敘三師三公以下官屬附

職官一

摠序

大將軍

侍郎 給事中 以下至 弘文
館校書 大書
下同

第二宰相

并官屬

門下省

侍中

侍郎 給事中 諫議大夫 起居 散騎常侍

館校書

典儀

城門郎

符寶郎

弘文

中書省

中書令

侍郎 集賢學士 舍人

通事舍人 史官 主

第四尚書上

尚書省

并總論 尚書

錄尚書

尚書令

僕射

左右丞

左右司郎中

員外郎

歷代尚書

附入座

歷代郎官

歷代都事主

事令史

行臺省

第五尚書下

吏部尚書

侍郎

郎中

員外郎

司封

吏部尚書

司封

司勳

考功郎中

員外郎

戶部尚書

度支

侍郎

郎中

員外郎

兵部尚書

侍郎

郎中

員外郎

職方

刑部尚書

侍郎

郎中

員外郎

都官

事書例亦
皆効之

通典卷七 職官

第三宰相

并官屬

侍郎 給事中 以下至 弘文

館校書 大書

下同

門下省

侍中

侍郎 給事中 散騎常侍 諫議大夫 起居 補闕

拾遺 典儀 城門郎 符寶郎 弘文

館校書

中書省

中書令 侍郎 舍人 通事舍人 集賢學士 史官 主

第四尚書上

尚書省

并總論 尚書

錄尚書

尚書令

僕射

左右丞 左右司郎中 員外郎

歷代尚書

附入座

歷代郎官

歷代都事主

事令史 行臺省

第五尚書下

吏部尚書

侍郎

郎中

員外郎

司封 員外

考功郎中 員外郎

戶部尚書

侍郎

郎中

員外郎

度支郎 員外

倉部郎中 員外郎

禮部尚書

侍郎

郎中

員外郎

祠部郎 員外

主客郎中 員外郎

兵部尚書

侍郎

郎中

員外郎

職方郎 員外

庫部郎中 員外郎

刑部尚書

侍郎

郎中

員外郎

都官郎 員外

通典卷十九 職官

郎中 員外郎

工部尚書 侍郎 郎中 員外郎 屯田郎 虞部郎中 員外郎

水部郎中 員外郎

第六御史臺 御史大夫 中丞 侍御史 殿

中侍御史 監察侍御史 主簿

第七諸卿上 總論諸卿 少卿附 摠論諸卿少卿附

太常卿 丞 主簿 博士 太祝 奉禮郎 協律郎 兩京郊社署 太樂署 太醫署 太卜署 廩犧署

光祿卿 丞 主簿 太官署 珍羞署 良醢署 鼓吹署 太醫署 太卜署 廩犧署

衛尉卿 丞 主簿 武庫署 武器署 守衛尉 公車司馬令 左右都候 宗正卿 丞 主簿 崇元署 諸陵署 太廟署

太僕卿 丞 主簿 乘黃署 典廄署 典牧署 大理卿 丞 主簿 獄丞 司直 評

第八諸卿中 鴻臚卿 丞 主簿 典客署 司儀署

司農卿 丞 主簿 導官署 苑總監 太倉署 鈞 司竹監 溫泉湯監 諸屯監 搜粟都尉等官 典農中郎將等官 諸市署 平準署

太府卿 丞 主簿 常平署 平準署 右藏署 秘書監 丞 郎 校書郎 正字 附 太史 祕書郎 校書郎 正字 附 太史

秘書監 丞 郎 校書郎 正字 附 太史

職官

高

△等

監

△等

△太公廟

局令丞

殿中監丞 尚食局 尚乘局 尚輦局 奉御
直長

第九諸卿下

內侍省 內侍 內常侍 掖庭局 宮闈局
奚官局 內僕局 內府局

少府監 監丞 主簿 中尚左尚右尚
織染 掌冶等署 暴室等丞

將作監 丞 主簿 左校署 右校署 甄
官 中校署 東園主章令

國子監 祭酒 司業 丞 主簿 國子博
士 祭酒 司業 丞 主簿 國子博

律學 書學 算學 等博 律等學博士助教等

大學

監 等四

軍器監 丞 主簿 甲坊署 弩坊署

都水使者 丞 主簿 舟楫署 河渠署

第十武官上

將軍總敘 左右衛 左右驍衛 左

右武衛 左右威衛 左右領軍衛 左右

金吾衛 左右監門衛 左右千牛衛 左

右羽林衛 左右龍武軍 左右神武

第十武官下

大將軍 并官 車騎將軍 衛將軍 前後

左右將軍 四征將軍 四鎮將軍 四安

軍 等

職官一

五官左右

將軍 四平將軍 雜號將軍 監軍祭酒

理曹掾屬附

三署郎官敘 中郎將五右中郎將 虎賁

中郎將 四中郎將東西南北 雜中郎將 折

衝府 果毅別將等附

三都尉 奉車 駙馬 騎 奉朝請附

第十一 東宮官

大書 下同

太子六傅三太三少 太子賓客 太子詹事丞

太子庶子中允 舍人 司議郎 中舍人

太子家令丞 典倉署 司藏署 太子僕丞 廐牧署 左

右衛率府副率以下官屬 左右司禦率府 左右

清道率府 左右監門率府 左右內率府

太子旅賁中郎將 太孫官屬附

第十三 王侯總敘 歷代王侯封爵五五并官屬

第十四 州郡上

司隸校尉 州牧刺史 總論州佐別駕

主簿 功曹書佐 部郡從事 典郡書

都督 總管節度 團練 都統等使附

中正 分注

職官

論德發善附五字小書

諸侯王國官叙歷代王侯公主并官屬以上小書

等

令

俸祿

門大夫等
附四字小字

都護

第十五州郡下

大書

京尹

京兆尹 河南尹

左馮翊 右扶風

留守附

郡太守

總論郡佐

郡丞 別駕 長史

司功 司倉 司馬 錄

司兵 司法 中正 通守

參軍 司倉 司馬 錄

經學博士 督郵

縣令

總論縣佐

百附 主簿 尉

督郵

鄉官

鎮戍關市官

致仕官

第十六文散官

開府儀同三司

特進

光祿

大夫以下

武散官

驃騎將軍

輔國將軍

鎮軍將

軍以下

諸校尉附

勳官

命婦

內官

命婦附

第十七祿秩

幹力 帳內 執衣

仗身 防閑 色也

庶僕 視親事

白直 門夫 等並附

致仕官祿

職田公廨田

第十八秩品一

并命數

唐 虞 夏 高 周 秦

第十九秩品二

并命數

晉 宋 齊 梁

第二十秩品三

并命數

陳 後魏 北齊

第二十一秩品四

并命數

後周 隋

官

官數以下提頭大書

虞六十員

負 下皆同

同玄

第二十二 秩品五

大唐

職官

歷代官制要略

秩

官數 三公 宰相 設官沿革 封爵 三老五更 祿

官數

唐六十員

尚書云建官惟百鄭元云虞官六十唐官未聞堯舜同道或皆六十并屬官而言則皆有

百 ○夏百二十員

尚書云夏商官倍則當

○殷二百四

十員

明堂位二百鄭元曰二百四十

○周六萬三千六百七十五員

內

千六百四十三人外諸侯國官六萬一

○漢自丞相至

佐史凡十三萬二百八十五員

哀帝時數兼諸

○後漢

七千五百六十七員 ○晉六千八百三十六員 ○宋六

千一百七十二員 ○齊二千一百三員 ○後魏七千七

百六十四員 ○北齊二千三百二十二員

並內

○後周

二千九百八十九員

並內

○隋一萬二千五百七十六

員

內官二千五百八十一外郡縣官九千九百九十五

○大唐一萬八千八百五

員

內官二千六百二十外郡縣官一萬六千一百八十五

官品

周官九命 ○漢自中二千石至百石凡十六等 ○後漢

自中二千石至斗食凡十三等 ○魏秩次多因漢制更

置九品 ○晉宋齊並因之 ○梁因之更置十八班班多

職官一

為貴○陳並因之○後魏置九品品各置從凡十八品
 自四品以下每品分為上下階凡三十階○北齊並因
 之○後周制九命每命分為二以正為上凡十八命○
 隋置九品品各有從自四品以下每品分為上下凡三
 十階自太師始焉謂之流內流內自此始焉楊帝除上
下附唯留
正從各又置視正二品至九品品各有從自行臺尚書
 九品正從各又置視正二品至九品品各有從自行臺尚書
 令始焉謂之視流內視流內自此始○大唐自流內以
 上並因隋制又置視正五品視從七品以署薩寶及正
 祓謂之視流內又置勳品九品自謂衛錄事及五省令
 史始焉謂之流外流外自此始勳品自齊
梁即有之

吳

出

周大

設官沿革

略舉崇著者其當部之官長雖品秩下者亦附此

黃帝 六相堯有十為之輔相不必名官○少皞 司

徒前漢嘗加大司馬項羽加大漢以後司空前漢加大

夫為之後司寇後周有內司寇○唐 義和 義仲

義叔 和仲 和叔 州牧○虞 太師 太保 納

言隋及大唐嘗后稷 秩宗 士 共工 虞○夏

九卿○商 太宰晉宋齊梁陳太宗 太史 太祝

太士 太卜 司士 司土 司木 司水 司革

司器 司貨 太子太師 太子太保 太子太傅

太子少傅 方伯○周 太傅 少師 少保 冢宰

重

後周加大宗伯後周內史秦置內史治京師如諸郡守後周加史監令大亦嘗太僕正為司馭卿又嘗為司僕卿
大將軍自戰國前後左右將軍置周未○秦太尉左

右丞相丞相後周末相國侍中本丞相史隋改為納
嘗為納言或為左黃門侍郎後周納言大夫大為侍內唐
相或為黃門監黃門侍郎又改為門下侍郎

散騎常侍魏加通直大郎又加員外又少府吏在殿中主發

書謂之尚書四人漢置五人其一人為僕射四人尚書

令僕射漢置左右丞相武太后嘗為文昌左右匡政或為尚書丞

至漢置四人後漢減二人為御史大夫憲武太后又嘗

改為肅政又奉常漢改曰太常後改曰奉常又改為太

卿又嘗為司禮卿郎中令漢為光祿勳後漢嘗為郎中

嘗為司膳卿又為光祿卿又衛尉漢嘗為中大夫令至梁

卿又嘗為司農後漢末為大農魏為司農至梁

謂之卿後魏如大農嘗為大理梁謂之卿隋代日

右扶風廷尉漢改為大鴻臚又嘗曰大行至梁除大字謂之卿

客卿漢改為大鴻臚又嘗曰大行至梁除大字謂之卿

國少府至梁謂之卿又嘗為少府監將作少府漢改

匠梁為大匠又嘗為繕工監又嘗為營繕監又為將作監

中尉漢武更名中書謁者令僕射至漢嘗以宦者為之

機務隋為內史監令尋改為內史又改為內書又為內

史令大唐復為中書令嘗為右相又為內史又為紫薇

之守

徐璩

尚微

通鑑卷九職官一

龍

馭

有府文

夫

渡上

令詹事大唐嘗改為端尹又嘗改中庶子庶子晉改庶

右隋罷中太子家令大唐嘗為率更令大唐嘗為

僕大唐嘗為率內史理京師漢分為左右又郡守漢改為

守後魏每部置三太守隋置通大中二大夫大唐並

漢領尚書事至後漢為三公曹尚書常侍曹尚書主

客公卿事後漢改為吏曹主選舉又為選部魏為吏部

官為天中書侍郎東晉嘗為通事郎隋為內史侍郎又為

侍郎又為御史中丞後魏曰中尉大唐改治書侍光祿

大夫優寵者則加銀章青綬至魏晉則又加中散大夫

王莽置大唐為文散太皇太后卿長信少府太后以下卿以至皇

太后卿長信少府皇后卿大長秋隋有令大唐中常侍

內常侍都水使者至宋嘗為水衡令梁曰大舟卿隋嘗

水衡驃騎後漢加大將軍游擊大唐為衛車騎驍

騎梁置伏波騎材官輕車樓船橫海護

軍至大唐度遼貳師蒲類強弩戈船奮威

建威積射二十一將軍奉直騎駙馬三都尉

至梁尚主司隸校尉督察三輔隋有司隸大夫刺史刺

郡縣至都護京兆尹左馮翊右扶風特進唐

為文諸加官左右曹諸吏散騎○後漢賊曹尚書尚

書侍郎三十六人初稱尚書郎中滿歲稱尚書郎三歲

通鑑卷九職官一

九

書

晉又有郎中隋初置三十六侍郎後置員外郎一人後又六曹各置侍郎每曹有郎有員外郎大唐改曹郎為郎中祕書監後又置令大唐嘗為蘭臺太武衛至隋置左中祕書監史少監為侍郎又嘗為麟臺武衛右大唐為揚衛左右鷹輔國師晉加大宋改為輔四征四鎮四安

虎牙征虜捕虜橫野鷹揚討逆討虜

破虜等將軍四中郎將都督至晉河南尹留守

班同三司前漢文帝以宋昌為衛儀同三司魏有開

府儀同三司又有儀同三司後魏有儀同三司北齊有開府儀同三司又有儀同三司後周有開府儀同又有上

官又諸衛各置開府一人八座○魏五兵尚書後

魏有七兵尚書隋曰兵部大唐嘗為司戎度支尚書有

太常伯或為夏官或為武部又為兵部祠部曹尚書至後魏有

戶部晉以後為度支至隋為民祠部曹尚書儀曹尚書

後周有禮部隋置禮部尚書大唐嘗殿中監秩甚卑隋

為司禮太常伯或為春官又為禮部殿中監曰殿內監

大府大監中衛晉分為左右衛將軍隋改為左右衛中領軍

尋改曰領軍隋改為左右屯衛大唐嘗為左右領軍鎮軍大冠

右戎衛又嘗為左右玉鈴衛又為左右領軍鎮軍大冠

軍游騎為武散四平鎮北虎威撫軍凌江

寧朔等將軍行臺○晉三公尚書等刑獄起部

尚書有事即置國子祭酒唯宋曰總明觀祭酒大唐嘗

中軍龍驤寧遠武散○宋殿中將軍○齊

都官尚書至隋改為刑部大唐常為司刑太常伯○梁

太府卿又嘗為司府卿雲麾中武壯武明

威定遠為武散宇宙等大將軍始以太常等名卿分

職官

年

班

文

石

已

御

嘗

武

為四時凡十二卿○後魏六柱國至大唐為勳官天柱二大將

軍諸少卿○後周軍器○隋左右武侯府大將

軍大唐為金吾衛左右監門府將軍大唐改為府為衛大總管通守佐太守

折衝府 正議 通議 朝議 朝請 朝散等大夫

左右驍衛府大唐除府字○大唐太子賓客漢之四皓非官左

右千牛衛 左右屯營後改為羽林軍嘗改為衛左右威衛嘗改左右豹韜

左右龍武將軍 平章事 知政事 參知機務

同中書門下三品平章軍國重事 節度使 採訪使

宣威武散懷化 歸德等將軍並武散以授歸義蕃官

封爵

黃帝方制萬里為萬國各百里○唐虞夏建國凡五等

曰公侯伯子男○殷公侯伯三等公百里侯七十里伯五十里○周

公侯伯子男五等公侯百里伯七十里子男五十里周公居攝改制大

其封公五百里侯四百里伯三百里○秦爵二十等最高徹侯迺

食縣其次關內侯食租稅於關內○漢國王國侯亭侯

三等主皆裂地侯以下則如吏職○漢國王國侯亭侯

更輸錢封列侯者凡百四十三人食邑者除租每戶一歲○魏

王公侯伯子男次縣侯次鄉侯次亭侯次關內侯凡九

等關內侯為虛封自此始○晉亦有王公侯伯子男又有開國郡

公縣公郡侯縣侯伯子男及鄉亭關內等侯凡十五等

王 乃

造北為

著為

職官

三

王大國二萬戶三軍兵五千次國一萬戶二軍兵三千
下國五千戶一軍兵千五百其公之制如五千戶國侯
如不滿五千戶國並置一軍千人○宋皆因晉制唯大
其伯子男以下各有差不置軍

小國皆三軍至孝建中凡國官屬不得○齊因之梁因
稱臣於其主改稱下官

前代定制諸王言曰令境內稱之日殿下公侯言曰教
境內稱之日第下皆自稱日寡人相已下表疏如

臣而不稱臣文書下羣官皆日告○陳有郡王嗣王藩王開國郡公開

國縣公侯伯子男沐食侯鄉亭侯開國中關外侯凡十

二等○後魏有王開國郡公散公侯散侯伯散伯子散

子男散男凡十一等王食半公三分食一侯伯○北齊

有王公侯伯子男六等○後周有公侯伯子男五等○

隋有國王郡王國公郡公縣公侯伯子男凡九等○大

唐國王郡王國公郡公開國郡公縣公開國侯伯子凡

九等並無其土加實封者乃給租庸自武德至天寶實
封者百餘家自至德至大歷三年實封者二百六

十五家

三公

夏商以前云天子無爵三公無官伊尹曰三公調陰陽○周以太

師太傅太保日三公○漢以丞相大司馬御史大夫為

三公○後漢以太尉司徒司空為三公天地災變則

尉徐防始焉靈帝就長安拜張○魏晉宋齊梁陳後魏
溫為太尉三公在外自溫始也

北齊皆以太尉司徒司空為三公○後周以太師太傅

太保為三公司徒為卿○隋以太尉司徒司空為三公○大

冊

唐因之

宰相

黃帝置六相○堯有十六相○殷湯有左右相○周成
王有左右相○秦悼武王始置左右丞相始皇又始置
相國○漢置丞相嘗置相國或左右丞相尋復舊成帝
改御史大夫為司空與大司馬丞相是為三公皆宰相
也哀帝改丞相為大司徒亦為宰相○後漢以太尉司
徒司空為宰相獻帝復置丞相○魏改丞相為司徒而
文帝復置中書監令並掌機密自是中書多為樞機之
任亦宰相也又置大丞相及相國○晉惠帝改丞相為

朝

司徒尋復舊俱為宰相而中書監令常管機要亦是相
也○宋齊梁陳並相因習或為丞相或為相國多非尋
常人臣之職或掌機密或錄尚書或綜機權或管朝政
或為侍中或給事中或受顧命皆為宰相
然中書職任機務之司不必他名亦為宰相其有侍中
兼外官若宋王弘侍中兼內官若沈演之其例不少即
非宰相並在當時委任而已○後魏北齊亦置丞相俱為宰相尤重
門下官多以侍中輔政亦宰相也○後周大象宰亦其
任也其後亦置左右丞相○隋有內史納言是真宰相
柳述為兵部尚書參軍機密又楊
素為右僕射與高顥專掌朝政○大唐侍中中書令
為真宰相中間嘗改為左右相他官參者無定員但加
同中書門下三品及平章事知政事知機務參與政事

及平章國重事之名者並為宰相亦漢行丞相事之例

也其同中書門下三品自貞觀中以兵部尚書李勣始

三老五更

禮天子父事三老兄事五更○後漢明帝以李躬為三

老桓榮為五更安帝以李充為三老靈帝以袁逢為三

老○魏高貴鄉公以王祥為三老鄭小同為五更○後

魏孝文以尉元為三老游明根為五更○後周武帝以

于謹為三老

祿秩

周制自天子至下士凡六等諸侯國君十卿祿食二千八百人

十卿食二百八十八人大夫倍上士食七十二人上士倍

中士食三十六人中士倍下士食十八人下士與庶人在官者同

食九人庶人在官與未命為士者次國小國同○漢制自中二千石至百石凡

十二等中二千石月俸百八十斛二千石百二十斛比二千石百

石八十斛六百石七十斛比六百石六十四斛四百石五十斛比四

百石四十三斛三百石四十四斛比三百石三十三斛二百石三十斛比

二百石二十七斛○後漢大將軍三公俸各三百

五十斛凡諸受俸皆半錢半穀延平中定制中二千石

月俸錢九千真二千石錢六千五百比二千石錢五千

米七十二斛真二千石米三十六斛比二千石米三十斛

斛千石錢四千米六百石錢三千五百四百石錢二千

通鑑卷一百一十五

職官

十五錢二千三百石米九斛二百石錢一千百石錢八百

臘及立春更班賜有差○宋制州郡秩俸多隨土所出

無有定准有父母祖父母年登七十者並給見錢其郡

縣田祿以芒種為斷此前去官者則一年秩皆入○梁

制一品秩萬石二品三品為中二千石四品五品秩為

二千石○後魏其祿每季一請諸宰人之官各隨近給

公田刺史十五頃太守十頃治中別駕各八頃縣令郡

丞六頃更代相付○北齊官秩一品每歲八百疋從一

品七百疋二品六百疋從二品五百疋三品四百疋從

三品三百疋四品二百四十疋從四品二百疋五品一

百六十疋從五品一百二十疋六品一百疋從六品八

十疋七品六十疋從七品四十疋八品三十六疋從八

品三十二疋九品二十八疋從九品二十四疋執事官

一品以下給公田各有差○後周制祿秩下士一百二

十五石中士以上至大夫各倍之上大夫是為四千石

卿二分孤三分公四分各益其一公因盈數為一萬石


其九秩一百二十石八秩至於七秩每二秩六分而下

各去其一二秩一積俱為四十石○隋京官正一品祿

九百石其下每以百石為差至正四品是為三百石從

四品二百五十石其每以五十石為差至正六品是為

衰



一百石從六品九十石以下每以十石為差正從八品
 是為五十石其給皆以春秋二季刺史太守縣令則計
 戶而給祿各以戶數為九等之差二佐及郡守縣令京
 官給職分田一品者給田五頃至五品則為田三頃其
 下每品以五十畝為差至九品為一頃外官亦各有職
 分田又給公廨田以供○大唐定給祿之制京官正一
 品米七百石從一品米六百石正二品米五百石從二品米四百石
 正三品米三百石從三品米二百石正四品米一百石從四品米六十石
 正五品米八十石從五品米六十石正六品米四十石從六品米三十石
 正七品米二十石從七品米十石正八品米十石從八品米十石
 正九品米十石從九品米十石

職田京官諸司及郡縣又給公廨田並有差

降一等其幹力及防閣庶僕並別給內外文武官自一品以下並給

通典卷第十九

